

„Droschak”

ORGANE

de la Fédération

Révolut. Arménienne.

ԴՐՕՇԿԻ

Adresse:

RÉDACTION DU JOURNAL

„Droschak”

GENEVE (Suisse)

„ՀԱՅ ՅԵՂԱՓՈԽԱԿԱՆ ԴԱՂՆԱԿՑՈՒԹԵԱՆ“ ՕՐԳԱՆ

Ա Չ Ա Ն Ա Ռ Ի Ր Զ

Կացութիւնը Արեւելքում դեռ երկար ժամանակ կը մնայ տարտամ ու երերուն, չի ամեն տեսակ անակնկալներով—ե այդ ահաւոր կացութեան հանդէպ՝ հայութիւնը մի վայրկեան անգամ չպիտի մոռանայ աշաւուրջ հսկողութեան իր պարտաւորութիւնը:

Պեսսիմիզմի, յոռետեսութեան շեշտ չէ, որ կուզենք հնչեցնել,—ընդհակառակը՝ թւում է թէ երբեք քաղաքական պայմանների դասաւորումը չի եղել այնքան յուսատու և նպաստաւոր մեր դատի համար, ինչպէս այժմ:

Հայոց հարցը գարձել է այնքան այժմեական, նրա առկա վիճակը ան աստիճան վտանգաւոր միջազգային իրադրութեան համար, նրա լուծման անհրաժեշտութիւնը այն աստիճան ակնբեր և ստիպողական՝ որ շահագրգռած պետութիւնները պիտի շտապեն ըստ կարելոյն շուտ իրագործել այն միջոցները, որոնք կարող են բաւարարել հայ ժողովուրդը և անգործութիւն սահմանել հայկական հողի վրայ:

Որովհետեւ... այդ հողը այժմ խիստ յրաշքացել է, դառնալով կատաղի, չափաւած մրցումների առարկայ: Նրա վրայից ձուռ ապագայում պիտի տարածւի եւրոպական, ֆրանսիական երկաթուղիների ցանցը, նրա սահմաններից, մասամբ նոյնիսկ նրա ծոցում, պիտի գործէ շուտով միջազգային հաղորդակցութեան ամենաուժեղ զարկերակը—Բաղդադեան երկաթուղին—և նրա, այդ հողի, բնական հարստութիւնները պիտի սկսին շահագործել հմուտ ձեռքերով, ի նպաստ երկրի հանուր բարգաւաճման, յոգուտ նոյն իրեն՝ հայ ժողովրդի:

Այդ հրապուրիչ հեռապատկերը — որի մշուշապատ խորշերի մէջ ոմանք արդէն ընդնշմարում են քաղաքական նաճուճի հզոր ժեստեր — այժմից իսկ մղում է մեծ պետութիւններին դիրք բռնել Հայաստանի ու հայկական խնդրի հանդէպ, որի այս կամ այն տնօրինումից կախած է ամբողջ թիւրքական Արեւելքի ճակատագիրը:

Եւ զարմանալի չէ, որ Եւրոպական Թիւրքիոյ մեծ

կնճիռները առժամապէս հարթելուց յետոյ՝ որեւտեան մամուլը վերստին ահա դարձնում է իր ուշադրութիւնը դէպի Հայաստան, դէպի «ահաւոր հայկական հարցը», —ինչպէս որակում է այն՝ անգլիական մի մեծ օրգան:

Ահա թէ ինչպէս է վեր հանում մեր խնդրի այդ ծանրակշիռ հանգամանքը՝ պարիպեան Temps-ը, մի ընդարձակ և խիստ շահեկան թղթակցութեան մէջ:

Հայկական խնդիրը հանդիսանում է թիւրք պետութեան մէջ տարրալուծման մի հզոր ու գործօն տարրեր: Հայոց հաւատարմութիւնը օսմանեան տիրապետութեան հանդէպ ոչինչ է, հիասթափութիւնը՝ կատարեալ և անդամանելի... Իրենց բոլոր ուժով հայերը պիտի քանդեն թիւրքական իշխանութեան հիմքերը և մղեն այն դէպի կործանում... Երկու մեծ, զուտ ասիական խնդիրներ — Հայկական ու Արաբական — որ նշում են ներկայ տաղանայի միջոցին, վաղը պիտի արթնանան իրենց սուր, կատաղի ու շմեղեցիկ կերպարանքով, եթէ ձեռք չ'առնեն լուրջ միջոցներ նրանց լուծման համար...

Բարդ է, տարաբախտաբար, այդ լուծումը, — մեր հայկական խնդրի լուծումը—գուցէ աւելի բարդ, բան ասիական արեւելքի բոլոր միւս կնճիռները: Եւ, ինչպէս մամուլը աղօտ կերպով ծանուցանում է, հակամարտութիւնն արդէն իսկ ծայր է աւել և Պոլսի դեսպանաժողովի բանակցութեանց մէջ՝ մեր խնդրի առիթով: Երբեմն անգլո-ուսական էր այդ հակամարտութիւնը, այսօր՝ ուսագերմանական: Երբեմն Անգլիան էր, լորդ Բիկոնսֆիլդի առաջնորդութեամբ, հզոր պատւար կանգնում օսմանեան երկրի ամբողջութեան, ընդգէմ ուսական արշաւի: Այսօր նոյն դերը ստանձնել է Գերմանիան, Վիլհելմ II-ի նախաձեռնութեամբ... Երբեմն Անգլիան էր Մոսկովի առաջխաղացութիւնը կանխելու համար, փաստաբանում «Թիւրքիոյ ընդհանուր ռեֆորմների» ծրագիրը, այսօր նոյն այդ տակտիկը որդեգրել է գերմանիան:

Ժամանակը փոխել է, սակայն, և Բեթման Հոլվեգ չի կարող գործադրել Բիկոնսֆիլդի ոճրագործ, աղետաւոր մեթոդը: Գերմանիան չի կարող անտարբեր հանդիսատես մնալ Թիւրքիոյ բարբարոս ռեֆորմի յարատւութեան հանդէպ, նա չի կարող չցանկալ և չնպաստել մասնաւորապէս Հայաստանի բարենորոգման, որ այսուհետեւ այնքան սերտ ու կենդանի առնչութիւն ունի գերմանական շահերի հետ: Խաղաղ Թափանցումի, տնտեսական և կուլտուրական նաճումների վիթխարի ծրագիրներ է յղացել Գերմանիան Արեւելքում և այդ

ծրագիրներն իրագործման համար՝ նա պիտի փնտրէ ամենուրեք հայ ժողովրդի, գրեթէ միակ առաջադէմ, կուլտուրական տարրի, աջակցութիւնը:

Երբ դժբաղդ Լեւոնիստ ազգաբարձում էր գերմանական մի շարք գաղտնի ձեռնարկների մասին Հայաստանի մէջ — զարոյցական, զինուորական վերանորոգում ելն — հաւանական է, որ նա իր անձնական ցանկութիւնը չէր ազգաբարձում, այլ իր հայրենի կառավարութեան իրական ծրագիրները:

Իւ որքան աւելի են շեշտուում Գերմանիայի այդ հայկական ծրագիրները, այնքան աւելի է յուզում Պետերբուրգը, այնքան աւելի է վառում ռուս կառավարութեան մէջ ցանկութիւնը՝ իր հերթին աշխատելու հայկական դատի համար, իր կողմը գրաւելու հայութեան համակրանքը: Էջմիածնի, հայ դպրոցների դէմ ծայր տուղ ինտրիգները եկան, իրաւ է, դիտարկելու հայ գիտակից մարդկանց տրամադրութիւնը. բայց և այնպէս հայ ժողովուրդը, մանաւանդ թիւրքահայը, տեղի թէ անտեղի, ամենավաղ յոյսեր է կապել ռուսական հովանաւորութեան դրօշակի հետ. նա գիտէ յամենայն դէպս, որ Ռուսաստանը ստանձնել է նախաձեռնութիւն մեր դատի համար և որ նա այսօր եռանդով փաստաբանում է իր Պաշտում Հայաստանի ռեֆորմների նախագիծը:

Միւս կողմից, արեւմտեան մի մեծ պետութիւն — Ֆրանսիան — որ մինչև օրս արեւելեան խնդիրների մէջ քայլել է միշտ իր գաշնակցի ետևից և որ ունեցել է Հայաստանում լոկ «սանտիմենտալ» կարգի աւանդութիւններ, այժմից նա ևս բռնուն կերպով շահագրգռւած է հայկական ռեֆորմներով, քանի որ նրան է յատկացւած Բարձր Հայքի երկաթուղիների շինութիւնը, որ, ինչպէս բոլոր միւս կուլտուրական ձեռնարկները, պահանջում է իր արգասաւոր շահագործումների համար՝ երկրի կատարեալ անդորրացում, տեղական առևտրի ու արդիւնաբերութեան զարգացում, ժողովրդի նիւթական բարօրութեան մակարդակի բարձրացում, սպառողական կարողութեան աճում և ամենից առաջ՝ հայ տարրի բարգաւաճում:

Վերջապէս, այսօրւան Անգլիան չի կարող խաղալ 1878-ի «նենգաւոր Ուլթիոնի» դերը և Սիր Էդ. Գրէյ Բիկոնսֆիլդ չէ՛ր, ուր Վիպրոսեան գաշնադրութիւն, նոր զոհարեւում հայ ժողովրդի՝ «սամանեան ամբողջութեան» պաշտամունքին՝ այլ ևս անհնարին է ներկայ պարագաներում:

Հայաստանը պէտք է բարենորոգւի. սա ընդհանուր, հրամայական կարգախօս է թէ պաշտօնական շրջաններում և թէ հանրային կարծիքի մէջ... Վերջապէս, կայ մի ազգակ, որ առժամայէս լուռ է, կրաւորական, սպասողական դիրքի մէջ, բայց որ կարող է — նոր ֆիասկօի պարագային — դուրս ժայթքել իր արդար բարկութիւնը

յուսահատական ու փոթորկոտ ժեստերով... Դա ինքը հայ ժողովուրդն է՝ Այդ ազգակն ևս հետզհետէ հաշի կ'առնեն... Խիստ յառկանշական է թիւրք կառավարութեան տենդային աճապարանքը՝ գոհացում տալու հայ պահանջներին, ուշադրութեան արժանի են, մասնաւորապէս, Վանի նոր վալիի մի շարք կօնկրետ քայլերը երկրի անդորրացման ճանապարհի վրայ:

Կացութեան բոլոր նշանները, այդպիսով, խրախուսական են, պայմանները ընդհանրապէս նպաստաւոր և հայ ժողովրդին մնում է — ի տեղի մասնաւոր անմիտ խուճապների և դիմելու յանցաւոր գաղթի — քիչ ևս համբերել և սպասել... այնքան տարիներ արեան ու սարսափների մէջ համբերելուց ու սպասելուց յետոյ:

Սակայն — սպասել պէտք է՝ ոչ թէ ծոյլ ու համակերպող կրաւորականութեան մէջ, որ միշտ եղել է մեծագոյն աղքիւրը հայկական ազէտների — այլ պէտք է աւելի քան երբեք լարել բոլոր ճիգերը ինքնապաշտպանութեան այն փրկարար աշխատանքի մէջ, որ արդէն տալիս է կազդուրիչ արդիւնքներ և որի անհրաժեշտութիւնը ընդունում է անգամ թիւրք կենտրոնական կառավարութիւնը, ընդունում է և Վանի վալին:

Չվայելք ռուս-գերմանական հակամարտութեան առթիւ, որի հետեւանքները այժմից դժւար է նախագծել, չնեւոյնք պատանկան յափշտակութեամբ այս կամ այն պետութեան գիրկը, չլինենք աւելի ռուսասէր, քան Սազոնովը, պահանջ մեզ համար մեր համակրանքն ու հակակրանքը գիւտագէտները թող առաջ տանեն իրենց բանակցութիւնները, իսկ մենք հսկենք արթուն ու աշխուրջ երկրի մէջ, կրկնապատկենք մեր ճիգը, ամեն տեղ հողովնով Ինքնօգնութեան միակ, գերագոյն և տիրական անհրաժեշտութիւնը:

ԱՆՅՈՅՍ ԽԱՂԱՂՈՒԹԻՒՆ

Անորինակ ճգնաժամ է ապրում բուլղար ժողովուրդը: Այսպիսի ցնցումներ չէր տեսել նա 1876-ի զարհուրելի օրերից է վեր, երբ Բատակը — բուլղարական Սաւունը — արիւնլալ և անօգնական՝ բառաչում էր Եւրոպայի ահաբեկներին հազարաւոր խողխողած դիակների միջից...

Այն ժամանակ հանդէս եկաւ մի Գլադստօն, որ իր պերճ ու հեղինակաւոր լեզուի բոլոր ուժով պաշտպան կանգնեց կոտորուող ժողովրդի և խարանեց սուլթանական բռնապետութիւնը: Իսկ քիչ յետոյ հնչեց հիւսիսից մեծ ցեղակցի օգնութեան աղաղակը:

Հապա այսօր... Բախտի մի անողորմ դիմադարձութեամբ, ամբողջ Եւրոպան զգւանքով է լսում բուլղար անունը և գրեթէ այլ ևս չկան պաշտպաններ: Պաղել է և ազատարար ցեղակիցը:

Եւ ահա Բուլգարիան — իսպառ մենակ, լքած իր ճակատագրին, Երէկ նա յԲալկանեան Պրուսիան՝ էր, որ խորխոր, իրաւացի հպարտութեամբ, համարում էր ինքզինքը ամենաուժեղ և ամենաբարգաւաճ պետութիւնը ամբողջ Թերակղզում, Երէկ նա իր հերոսական յաղթանակներով զմայլեցրել էր աշխարհը, բռն էր Թիւրքերին, գրաւել ամբողջ Թրակիան, ամիսների պաշարումից ու գոռ ճակատամարտներից յետոյ տիրացել էր օսմանեան երկրորդ մայրաքաղաքին՝ Երէկ նա խիզախ, անդիմադրելի առաջխաղացութեամբ սպառնում էր նոյնիսկ տիրանալ Կ. Պոլսին և միմիայն ցարի վճռական veto-ն էր, որ արգելք եղաւ ու ամբողջ ամիսներ դատապարտեց բուլգարներին կանգնել Չաթալջայի ամրութիւնների առջև, Երէկ, վերջապէս, ամբողջ Բուլգարիան ցնծում էր եզակի յաղթանակների գինովութեան մէջ, յաղթանակներ՝ որոնք այնքան դիւրացրել էին և յոյն ու սերբ բանակների առաջխաղացութիւնն ու նւաճումները:

Իսկ այսօր՝ բուլգար բանակը ջարդ ու փշուր, 30,000 ամենաընտիր երիտասարդներ կոտորւած մարտադաշտերում, 50,000 վիրաւորներ ու հաշմանդամներ և... արդիւնքը—համեմատաբար այնքան չնչին... Մակեդոնիան՝ նրա տիրապետութիւնից խուսափած, Ադրիանուպոլիսը ձեռքից ընկած և բուլգարական հողերի մի պատկառելի տարածութիւն՝ անցած դրացի ռումէնի ձեռքը... մինչդեռ յոյնն ու սերբը գրեթէ կրկնապատկեցին իրենց հողերն ու բնակչութիւնները, այն յոյնը, որի վրայ արհամարհոտ բարձունքներից էր նայում բուլգարը, այն սերբը, որին նա այնպէս անողորմ ծեծել էր 1885-ին... Իսկ այժմ ծեծածը ինքն է, ծեծողը՝ այդ յոյնը և այդ սերբը... Այդ է սարսափելին, բուլգարական ինքնասիրութեան համար չի կարող լինել աւելի ծանր ու զգալի հարւած...

Հէնց այդ հիւանդոտ ինքնասիրութիւնն էր, որ միացած մի անհանգուրժելի ամբարտաւանութեան հետ՝ անդունդ գլորեց երէկայ յաղթական Բուլգարիային: Նա ջարդել էր տաճիկն և կարծում էր, թէ աւելի ևս դիւրութեամբ պիտի ջարդէր յոյնին, սերբին, նա առել էր Կրիւ-Քիլիսէն իր սուրիների ուժով, արժանացել էր ամբողջ աշխարհի ծափերին, անմահացրել իր անունն ու զինւորական հանձարը համաշխարհային պատմութեան մէջ և այնքան էր արբել այդ ծափերով ու ովսաններով, որ մտածեց—մի չարաշուք, իրեն համար եղբրական օր—պատերազմ յարուցանել երէկայ զոյգ դաշնակիցների դէմ, Մակեդոնիայի վաղուց փափագած հողերին տիրանալու համար: Մոռացել էր, որ բուլգար զօրքը անօրինակ ձիգերից յետոյ՝ հիւժեւել էր, ուժասպառուել:

Եւ գրգռեց յանցաւոր, եղբայրասպան պատերազմը, որ սկզբից իսկ ձախորդ եղաւ իրեն համար, աղէտաբեր:

պարտութիւնից-պարտութիւն՝ նա նետեց անկման խորխորատները, ուր կատաղութեան փրփուրը բերնին՝ բուլգար սպաներն ու զինւորները... վրէժիւնդիր եղան ամեն քայլափոխում խաղաղ ազգաբնակչութիւնից, նիւթեցին մի շարք բարբարոսութիւններ *), ընկան բաշտակիր թաշարհի աչքում, բուլգար անունը ընդմիշտ վարկաբեկեց...

Իսկ մինչ այս մինչ այն, Թիւրքերը, տեսնելով Ադրիանուպոլիսը գրեթէ պարպւած բուլգար զօրքերից, շտապեցին վերստին գրաւել իրենց սրբազան մայրաքաղաքը, ուսկից բնաւ յոյս չկայ դուրս մղելու նրանց:

Ահա այդպէս օգտեց բուլգարը իր փայլուն յաղթութիւններից: Գործւեցին անօրինակ, անըմբռնելի վրիպումներ, իրենց դէմ տրամադրեցին և Ռուսաստանը—որ ցարի բերնով նախազգուշացրել էր Բուլգարիային եղբայրասպան պատերազմի հետեանքների մասին — և գրեթէ բոլոր պետութիւնները:

Ո՞վ է ճշմարիտ յանցաւորը, պատասխանատուն այդ թեթեւամիտ և մահառիթ վրիպումների համար... Դանէ՞վ, Սափօվ, Ֆերդինանդ... Ո՞վ, երբէք էլ չի իմացել, Բայց հազարաւոր բուլգար գիւղացիներ ու արհեստաւորներ իրենց գլուխը դրին այդ եղբրական սխալների մէջ... Ժողովուրդը—յաւիտենական նահատակը, քաւութեան նոխազը—գուցէ երբէք էլ չի իմանալ, թէ ինչո՞ւ և ինչպէ՞ս կատարւեց այդ հրէշաւոր և անպատիւ ողբերգութիւնը: Մի վայրկեան կար, երբ լուր բերին, թէ Ժողովրդային ցասման ալիքը մօտ օրերում յորձանք կը տալ և կը խորտակէ արքայական գահը, կը սրբէ նրա հետ զինւորական անպատասխանատու կաստը և կը սահմանէ հանրապետութիւն... Հշուկ էր միայն, Բուլգարիան չունի տակաւին 1871-ի Փրանսիայի հասունութիւնը...

Ոչ մի տարուկոյս — Բուլգարիան երբէք չի հաշտուի այդ կացութեան հետ, նա չի մոռանալ իր անկման յաղթանակները, ոչ էլ իր կրած պարտութիւնները: Ահա թէ ինչու Բուխարեստի մէջ կնքւած հաշտութիւնը երերուն է, անյոյս: Եղբրական համակերպեց, ատամները կրծածով, վրէժը սրտի մէջ, նա շուտով վերստին կը հաւաքէ ուժերը և կազդուրւելով նորէն կը նետուի կրկէսի մէջ...

Ադրիանուպոլիսի կորուստը չի մարսի բուլգարը, բայց աւելի ևս չի մարսի Մակեդոնիայի կորուստը: Քսան տարուց ի վեր բուլգար Ժողովուրդը այնքան թանկագին զոհեր է աւել այդ իր փայփայած Մակեդոնիայի

*) Գաղանուկիւններ նիւթել են, անշուշտ, նաև յոյներն ու սերբերը: Բայց բուլգարական սարսափների ծաւալը ըստ երևոյթին աւելի մեծ է:

Համար, որի բնակչութեան ահագին մասը իր արիւնակից եղբայրներն են: Քսան տարեաց ի վեր Սարաֆօններ ու Դելչեֆներ այնքան նիզակներ են ձօձել այդ երկրի մէջ, այնքան բուլգար հերոսներ են իրենց արիւնով ոռոգել այդ հողը, ուր սակայն յոյն ու սնրբը ազատագրական ոչ մի ձիգ չեն ի գործ դրել, ընդհակառակը հանդիսացել են յաճախ լոկ գործիք սուլթանական դահիճների ձեռքում՝ ընդդէմ բուլգար չէտաների...

Եւ այժմ տեսէք այդ այլանդակ խաղը ճակատագրի... Մակեդոնիան, թիւրքերի ձեռքից խլած, ազատագրւած Մակեդոնիան, գրեթէ ամբողջապէս պիտի վայելեն յոյն ու սերբը: Ինչպէ՞ս մարսէ այդ բուլգարը...

Աղէտաբեր է յաղթածի Համար մանաւանդ Ռուսաստանի այդ կոպիտ *volte-face*-ը: Պետերբուրգը սկզբներում յոխորտաց թիւրքերի դէմ, որոնք գալիս էին վերստին գրաւելու Ադրիանուպօլիսը: Բայց պլատոնական յոխորտանք եղաւ: Թիւրքերը եկան նստեցին, Ռուսաստանի բողոքի շանթերը միշտ աւելի մեղմացան և այսօր բնաւ չեն լսուած: Նա սպառնում էր արշաւել դէպի Հայաստան, զինուորական ցոյցեր սարքել ուրիշ տեղեր, սակայն, Բերլինն էլ ցոյց տւեց իր սպառնական մատը Պետերբուրգի վարիչներին և սրանք իսպառ Համակերպեցին: Ադրիանուպօլիսի խնդիրը դարձաւ զուտ թիւրքբուլգարական մի խնդիր, և նա կը լուծւի, հարկաւ, ոչ ի նպաստ բուլգարներին: Թիւրքիան ցնծում է իր այնքան աժան յաղթանակով...

Երկա՞ր կը տւէ արդեօք այդ ցնծութիւնը... Նոր առաջնային չպիտի՞ պայթին մօտ ապագայում իսկ՝ «հիւանդ Վարդու» ասիական երկրամասերում, ուր հեիհե արշաւում են այսօր եւրոպական կապիտալիզմի աւարատենչ բազէները... Ի՞նչ են այդ «երկաթուղային մրցումները» ասիական Թիւրքիոյ մէջ, եթէ ոչ նախագուռ քաղաքական մի մեծ փոթորկի ու վերիվայրուժի՞ որ, դժբախտաբար, դառնում է միշտ աւելի ճակատագրական ու անխուսափելի, բանի որ ինքը Թիւրքիան մի կոյր ու տենդային սլացքով դիմում է արդէն դէպի այդ վերջնական ու կորստաբեր ճգնաժամը:

Փ Ո Ր Դ Ե Ա Ն Հ Ա Ն Գ Ո Յ Ց

Որքան աւելի են քրքրում արեւելեան մեծ հանգոյցը, որքան աւելի են ձգտում մօտենալ նրա վերջնական լուծումին, այնքան ասես աւելի է նա բարդանում ու խճճուում: Հին արիւնոտ կնճիռներին նորերն են աւելանում, աւելի ծանր ու դժարալոյծ: Յունաստանի առաջնաղացութիւնը, նրա յանկարծակի, լայն ծաւալումը սրում է արդէն նրա անորոժակը, թեւաւորում նոր

երազներ ու ծրագրեր... նաև Ասիական Թիւրքիոյ գալոց ժողովրդական վերաբերմամբ:

Հելլենական շփոթիվը թափ է առնում և ունի արդէն նախատեսում են երջանիկ օրը, երբ Բիւզանդի կորսւած թագը պիտի վերագառնայ յոյներին, երբ յունական դրօշը ի դարու արհամարհւած գոյութիւնից յետոյ պիտի վերստին ծածանէ Այա Սօֆիայի գմբէթին...

Ուշագրաւ երևոյթ է, որ յոյն ազգաբնակչութեան ահագին մեծամասնութիւնը ապրում է յոյն պետութիւնից դուրս, անգամ այսօր, երբ այդ պետութեան սահմանները այնքան ընդարձակել են, գրաւելով հելլենութեան ահագին զանգւածներ: Փոքր Ասիոյ մէջ է մնում այդ ժողովրդի մեծամասնութիւնը: Եւ բնական է, որ այսուհետեւ, երբ Յունաստանը այնքան ուժեղացաւ Բալկաններում, նա պիտի բարչէ դէպի իր ծոցը փոքր Ասիոյ միլիօնաւոր հարազատներին, որոնք, ինչպէս այդ բազմութիւ կղզիները, տարերային ուժով մղւում են դէպի մայր-պետութիւնը: Որքան աւելի ջօրանայ այդ վերջինը և որքան աւելի տկարանայ Թիւրքիան, այնքան աւելի ծանր ու սպառնալի բնոյթ պիտի առնէ յոյն գաղութների մեծ խնդիրը:

Այդ խոշոր հանգամանքի վրայ է, որ եւրոպայի ուշագրութիւնն է հրաւիրում *Temps*-ի ամենալուրջ թղթակիցներից մինը: Նա ասում է, որ դեռ շատ վաղ է՝ լուծւած հռչակել Օսմանեան Արեւելքի հանգոյցները: Եւ նա ծանրանում է թիւրքական Ասիայի երեք ամենամեծ ու ամենավտանգալի խնդիրների վրայ.

1. Արաբական խնդիր:
2. Հայկական խնդիր:
3. Փոքր Ասիոյ յունական խնդիր:

Հայերը, ասում է պարիզեան թերթի թղթակիցը, պիտի քանդեն անդադար օսմանեան կայսրութեան հիմքերը, իբրեւ անհաշտ թշնամիներ թիւրքական տիրապետութեան... Հայկական հաւատարմութիւն ոչինչ է Թիւրքիոյ հանդէպ, իւրաքանչիւր հայ երգւեալ թշնամի է թիւրքին և հայերը կազմում են շատ տեղերում հոծ զանգւածներ... Ուստի հայկական հարցը հանդիսանում է ամենածանրակշիռ խնդիրներից մինը Ասիական Թիւրքիայում:

Արաբիան—դուրս, Հայկական վիլայեթները—դուրս... Եւ ի՞նչ է մնում Թիւրքիայից:

Անատօլոն... Բայց այնտեղ էլ պիտի ծառանայ շուտով յունական խնդիրը: Հելլենիզմը, ուժեղ, բարգաւաճ և յարաճուն՝ կ'առաջագրէ վաղ թէ ուշ իր իրաւունքներն ու պահանջները Միսիայի Պոլսում յոյների թիւն է մօտ 500,000 և 180,000 Զմիւռնիայում: Փոքրասիական եղբրքները, բոլոր նաւահանգիստները լեցուն են յոյներով: Եւ նրանք գրեթէ ամենուրեք անեղծ պահպանել են իրենց լեզուն, կրօնը, բարքերը և առաջնակարգ տեղ ունին առեւտրի, նաւարկութեան, արդիւնաբերութեան մէջ:

Ցեղ-տեղ միայն, ինչպէս Կապագովկիայում ու Կիլիկիայում, յոյները գրեթէ իսպառ ձուլած են թիւրքերի հետ, լեզուով, բարբոսի պահպանել են միայն իրենց կրօնը, Գործածում են նոյնիսկ արաբական այբբէն, յունականի տեղը

Բնականաբար, այսուհետեւ այդ կորած, օտարացած տարրերն ևս կը ձգտին վերագառնալ մայր-զանգաւածի գիրկը, ինչպէս որ կը վերագառնան թիւրքացած ու քրդացած հայերն ևս դէպի հայութիւն։ Նոր յոյն սերունդը սկսում է արդէն յաճախել յունական դպրոցները... վերածնութիւնը կը կատարւի բնականօրէն, անհրաժեշտօրէն։ Սա մասն — Սըվազ — Կեսարիա — Խարբերդ երկաթուղային գիծը նոր զարկ կը տայ հեղինակի այդ վերածնութեան։

Եթէ չլինէր Ադանայի կատաստրոֆը, Կիլիկիոյ հայ տարրը գեռ կարող էր թերեւս նեցուկ լինել Երիտասարդ Թիւրքիային ընդդէմ առաջացող հեղինակի։

Ի՞նչ կը լինի ապագան... Ի՞նչ դիրք կը բռնեն Փոքր Ասիոյ երեք միլիօն յոյները մայր-հայրենիքի այս յաղթական պատերազմներից յետոյ... Պիտի կարողանան արդեօք թիւրքերը իրենց փոքրամասնութեամբ պահպանել հեգեմօնիա, գերիշխանութիւն ահագին երկրի մէջ՝ հանդէպ այդքան զօրաւոր թշնամիներին...

ՊԱՏԵՐԱԶՄԻ ԶԱՐՀՈՒՐԱՆՔՆԵՐԻՑ

(«ԱՌՈՒԳԱՐԱՅԱՆ ՍԱՐՍԱՔՆԵՐ») —

Վաղն էլ անշուշտ կը խօսեն «յունական», «սերբական» սարսափների մասին, երբ անաչառ հետազօտողները կերթան տեղնուտեղը բնելու և երևան հանելու ճշմարտութիւնը։

Արդէն իսկ ընտրւած են միջազգային քննիչ յանձնաժողովներ։ Նրանց բնութեան արդիւնքը կը պարզէ մի աւելորդ անգամ յաջա լուսաւոր մարդկութեան, թէ ինչե՞ր կարող է նիւթել յաւիտենական ու անպարտելի Մարդ-Գազանը և թէ որքան հրէշաւոր, անբարոյական երեւոյթներ կարող է ծնել պատերազմը, անգամ երբ նա հրատարակում է յանուն ձնշած ցեղակիցների ազատագրման։

Ահա ևս մի քանի տեսարաններ այդ պատերազմի սարսափներից, որոնք դժւար թէ լինին յօրինած կամ չափազանցւած և որոնք այնքան յիշեցնում են հայերի դէմ ի գործ դրւած թիւրք-համիդեան բարբարոսութիւնները։

Զոհերը այժմ մեծ մասամբ մահմեդականներ են, խողխողած բուլգար չէտաների ու զօրքերի ձեռքով։

Աթէների համալսարանը հրատարակել է մի բրօշուր, որի մէջ ամփոփւած են արիւնոտ վաւերագիրներու Գրւած են նրանք ոչ յոյների, այլ օտար վկաների ձեռքով։

Ամբողջութիւնը մի սոսկալի մեղադրական է բուլգարների դէմ։

Ահա մէկը ակնատեսներից, մի Ֆրանսիացի, Հ. Գ. Միշէլ։

Կ ու լ կ ու ա ի մէջ, տեսում է նա, մի բուլգար ասպատակախումբ Գօնչեվի առաջնորդութեամբ փակում է մզկիթի մէջ շրջանի բոլոր աղամարդկանց և հրաւիրում է բոլոր կանանց մզկիթի շուրջը, որպէս զի ակնատես լինին կատարելիք տեսարանին։

Ապա խումբը նետում է երեք ուսում մզկիթի վրայ, որոնք սակայն չեն պայթում։ Այն ժամանակ կօմիտա-չիները հրդեհում են մզկիթը և ներսի ամբողջ բազմութիւնը, մօտ 700 հոգի, կրակի ձարակ են դառնում։ Ով որ փորձում է փախչել հրացանազարկ է լինում։ Դէպքից յետոյ փողոցներում թափված էին մարդկային ածխացած գլուխներ, ձեռք ու ոտքեր և այլն։

Պ լ ա ն ի ց ա ի մէջ՝ նոյն Գօնչեվի խումբը աւելի սոսկալի բարբարոսութիւններ է նիւթել։ Նախ բոլոր աղամարդիկ փակել են մզկիթի մէջ և կենդանի այրւել։ ապա հաւաքել են բոլոր մահմեդական կանանց, որոնք իրենց հարազատների նահատակութեանը ակնատես լինելուց յետոյ, նոյնպէս խմբովին այրւել են հրապարակի վրայ։

Սալօնիկի աւստրիական ընդհանուր հիւպատոսը հեռագրում է միւսնոյն ժամանակները իր կառավարութեան, որ իտալական հիւպատոսի հետ Ս ե Ր Ե Ս քաղաքը գնալով, տեսել էր այնտեղ միմիայն «ծխացող մոխրակոյտեր»։ Նոյնն են վկայում եւրոպական բոլոր մեծ օրգանների թղթակիցները։

Secolo-ի թղթակիցը գրում էր այդ թերթին։

Մեծ պետութիւնների հիւպատոսները Սալօնիկում հաւաքել են մանրամասն տեղեկագիրներ Մակեդօնիոյ և Թրակիոյ ջարդերի մասին։ Իմ անձնական բնուութիւնը թոյլ է տալիս ինձ պնդել, որ կոտորած են մօտ երկու հարիւր հազար (200,000) մահմեդականներ, անգէն մարդիկ, կանայք, ծերունիներ և երեխաներ—բալկանեան պատերազմի առաջին ամիսներում։ Եւրոպական պետութիւնները անտարբեր էին դէպի մահմեդականների այդ մասսային կոտորածը և այդ հանգամանքը քաջալերեց բուլգարներին ու նրանք սկսեցին այնուհետեւ կոտորել յոյներին։

Երէկայ շէն ու բարգաւաճ Ս ե Ր Ե Ս ի մէջ 6000 անից 4000-ը և լաւագոյնները հրդեհւած են, 4000 մագազիններ՝ կողոպտւած ու այրւած։

Ահա վերջապէս Մօսկւայի «Ուսորո Ռօսսիի» մեծ լրագրի թղթակիցը, որի վկայութիւնը դժւար թէ լինի աչառոտ ու անհիմն։

Դրամա քաղաքից մի 10 կիլոմետր հեռու—ասում է նա—մենք տեսանք Դօքսատօի աւերակները։ Յոյն բաղաբ է, երէկ դարձեալ բարգաւաճ, այրել են նոյն բուլ-

գարները, երեք ժամ անդադար չմտածելուց ու հըր-
դեհելուց յետոյ, սկսում են կոտորածը. հրաւիրում են
նաև բաշտներին՝ մասնակցելու խրախճանքին: Զարհու-
րելի ջարդ են սարքում յոյների մէջ: Հարիւրաւոր ան-
մեղ մարդիկ խողովակում են... Կանայք ողբում էին
ծայրագոյն յուսահատութեան մէջ: Ցեսայ երեխաներ,
վիրաւորաւ սուրհմներով: Ցեսայ մի պառաւ կին, որ
անմխիթար հեծեծում էր, իր հինգ զաւակները չգտնե-
լով: Դօքսատօի ազգաբնակչութեան կէսը անհետ չբացել է:

Այդ զարհուրելի տեսարանները ծանր տպաւորու-
թիւն էին արել վրաս—ստում է ուսում թղթակիցը —
և ես իմ ամբողջ ուղեւորութեան ընթացքում անասելի
աժօթ էի զգում՝ որ այդ անորակելի վայրենութիւն-
ները կատարել են սլաւներ ձեռքով:

Պ Ա Տ Մ Ա Կ Ա Ն

XIV

ՎԵՅԱԺՈՂՈՎԻ ՆԱԽՕՐԵԱԿԻՆ

Հայկական խնդիրը Վարժապետեանի օրով. — Թիւրքամուլ քաղաքա-
կանը. — Պատասխանատուներ. — «Թիւրքամուլ» եւ ռուսացեաց հոսանք
ստեղծող հասարակութեան մէջ. — Նա պատկանում էր. — Հայ երեսփո-
խաների հատուկ օսմանեան առաջին պարլամենտ. — Ռուսաստան-
քիւնը զաւառական ժողովրդի մէջ. — «Հիմնէք ի իւրեմէք». — Ազգային
բաղաժանութեան երեք քաղաքներ. — Սոմ-Սեփանց եւ յուսիսարեւ-
ելիւն. — Գեղի Բերդին. — Հայկական ազիսացիա Լօնդոնում. — Մի անա-
զանգ՝ Վեհաժողովի նախօրեակին. — Այն ժամանակ եւ այսօր. —

Խրիմեանից յետոյ—Վարժապետեան:

«Հարստահարութիւնների Տեղեկագիրը» մի բանի
տարի արշիվներում մրափելուց յետոյ՝ վերստին հանդէս
եկաւ 1876-ին, Ներսէսի պատրիարքութեան օրով:

Ցարին հարուստ էր բաղաժանան անկեղծութեամբ ու
փոթորկալի դէպքերով: Թիւրքիան նորէն ապրում էր իր
գոյութեան օրհասական վայրկեաններից միւնը: Ապրս-
տաբուրութիւնը պայթել էր Բալկաններում և «Մօսկովի»
ուրուականը սպառնալից ցցել էր հոգեվարքոտ Մա-
հիկի դիմաց: Փոթորիկը պայթել էր — և ներսուսի Պա-
լատական մի արիւնտ յեղաշրջումով՝ Արդիւ Համիդ
բազմել էր սուլթանական գահի վրայ, յաջորդելով իր
եղբայր Մուրադին: Եւ դիպլոմատ, չարահանձար խա-
լիֆը, երկրի ղեկին տիրանալով, սկսել էր արդէն ի գործ
դնել իր դիւային հնարքները՝ թէ արտաքին և թէ
ներքին տագնապներին դիմագրաւելու համար:

Ռուսական վտանգը չբացնելու նպատակով՝ նա նե-
սեց Եւրոպային մի հանդիսաւոր ազգաբարբութիւն, որով
խոստանում էր անյապաղ իրագործել «ընդհանուր ռե-
ֆորմներ»՝ ամբողջ կայսրութեան մէջ: Նա դրդեց միա-
ժամանակ յոյներին ու հայերին՝ նոյնպէս ասպարեզ

գալ իրենց ուրոյն ազգային պահանջներով՝ հանդէպ
սլաւ ցեղերի, որ պարզել էին ապստամբութեան դրօշը:
Նա ղրկեց, վերջապէս, Եւրոպական դահլիճներին պատ-
ճէնը «Օսմանեան Սահմանադրութեան» (1876 թ.
գեղեցիկներ), որ մի նոր դարաշրջան էր ազգաբարբում
Թիւրքիոյ համար, «նոր հաստատութիւններ, հիմնաւ
ազատութեան, արդարութեան ու հաւասարութեան
վրայ»...

Բ. Դրան այդ խաբեքայ ազգաբարբութիւնները «ընդ-
հանուր ռեֆորմների» մասին հետամուտ էին երկու
նպատակի.

1) «Թող փչել Եւրոպական պետութիւնների աչքին.

2) Բաժանել, հակադրել իրար Թիւրքահայատակ քրիս-
տոնեայ ազգութիւնները, սլաւոնների դէմ հանել հա-
յերին ու յոյներին, շահել վերջինների համակրանքը և
մօտաւուս պատերազմի համար՝ ձեռք բերել նրանց
սիրայօժար գործակցութիւնը:

Առաջին նպատակից նա փրկեց, իսկ վերջինը իրա-
գործեց վարպետօրէն: Յոյնը արդէն տրամադրած էր
սլաւների դէմ, Թիւրքը շահեց և հային:

Հայոց պատրիարքը—Ներսէս Վարժապետեան—որ
Խրիմեանից ստացել էր Հայկական խնդիրը, իբրեւ մի
սուրբ ու արիւնտ ժառանգութիւն, որ եղել էր նա-
խագահը Հայաստանի հարստահարութեանց քննիչ
Յանձնաժողովի, որ քանիցս ցոյց էր տւել ըմբոստ ոգի
Թիւրքական ռեժիմի հանդէպ՝ հրապարակ եկաւ յան-
կարծ մի արտառոց կոնդակով—ուղղւած հայ ժողովրդ-
դին—ուր պարզապէս խուճկ էր ծխում օսմանեան կա-
ռավարութեան և գրգռիչ, թշնամական ակնարկներ էր
նետում Ռուսաստանի հասցէին:

Այն օրէն ի վեր — տսում էր այդ կոնդակը — որ հայոց
ազգին ամենամեծ մասն օսմանեան հզօր տէրութեան հպա-
տակաւ էր բաղդը հովանւոյն ներքոյ մասաւ, իր հինգ գարուց
պատմութիւնը կը ցուցնէ թէ ինչ մեծամեծ շնորհներ իրեն
պարգեւած է այս հզօր տէրութիւնը: Եթէ այսօր Թիւրքիոյ
մէջ կը տեսնենք հայ ազգը, որ կը պահէ իր կրօնը, իր
եկեղեցիք, իր լեզուն, իր պատմութիւնն ու անհրաժեշտ-
ները և վերջապէս եթէ այսօր հայ ազգը կը զգայ իր էութե-
թիւնը, նոյն բարեխնամ տէրութեան շնորհաց արդիւնք են...

Ստոյգ է թէ և, որ հայ ազգը մերթ ընդ մերթ գաւառ-
ներու մէջ բարեխնամ տէրութեան կամաց հակառակ, հա-
րստահարութեանց ենթակայ եղած ալ է, հարստահարու-
թիւնը, որոնք միայն մարմինը կը վնասեն և հեռի են այն
տեսակ հարստահարութիւններէն, որոնք ոգին և մարմինը
միանգամայն կը վնասեն և ազգին գոյութեանը կրօնական,
սակային վերջին օրերս ձեռք առնւած միջոցներով... Մեծ
յայտ ունինք, որ այնպիսի մասնաւոր ճշման ու անկարգու-
թեանց ալ հիմնական բարեկարգութեամբ առաջը պիտի
առնուի...

Արդ՝ հայ ազգն... չի կրնար անտարբեր մնալ օսմանեան
տէրութեան դաժնած արդի ծանրակշիւ պարագայից մէջ,
այլ պարտաւոր է... անկեղծ օժանդակութիւն մատուցանել...
Օսմանեան երկիրը պաշտպանել՝ Հայաստանը պաշտպանել
ըսել է, նոյնիսկ հայուն կրօնը, դպրոցը, ինչքը, տունը, ըն-
տանիքը և պատիւն ու կեանքը պաշտպանել ըսել է *):...

*) «Մշակ», 1876 թ. № 33.

Ահա էական յայտարարութիւնները այդ ծանօթ շրջաբերականի Դա առաջին օղակն էր եղբերական «շղթայի»... Յախուռն, անյար (*incohérent*), հակասական ձեռնարկների մի շղթայ՝ որ ձգւում է այդ տխուր կօն-դակից մինչև Բերլին և այնտեղից—վիժման անդունդ... Հտապենք, սակայն, մեկնաբանել և ճշտել:

Այն ժամանակաւ և յետագայ հայ պատմական քննադատութիւնը, ի դէմս մի շարք գրողների, դատա-փետեց Վարժապետեանին ամենածանր մակդիրներով «Դաւաճան» բառն իսկ չխնայեցին նրա հասցէին: Չա-փազանցութիւնն, անտարակոյս, մեծ բաժին ունի այդ յախուռն գնահատումների մէջ: Ոմանք իսպառ զատեցին ան ձը մ ի ջ ա վ ա յ Ր ի ց և առաջինի վրայ բարդե-ցին պատմական իրողութիւնների բովանդակ պատաս-խանատուութիւնը: Սխալ մեթօդ և անարդար: Անարդար մասնաւորապէս Վարժապետեանի նկատմամբ, որ իր բոլոր թերութիւններով հանդերձ՝ նոր, «երիտասարդ Հայաստան» է մարմնացնում իր ըմբոստ ու անընձեռի խառնաձորով, իր գործօն և անձնագոհ արիւթեամբ, այն Վարժապետեանի՝ որ ընդունակ էր ձեռնոց նետել օսմանեան բռնապետին և պատասխանել նրա սպառնալի պահանջներին:

— «Աւելի շուտ ես կը համաձայնիմ կախիլ պատ-րիարքարանի դրան վրայ, քան թէ յետ կոչել հայկա-կան պատգամաւորութիւնը Բերլինից»:

Անշուշտ, երիտասարդ, բաղաբանապէս անփորձ պատրիարքի անձնաւորութիւնը, նրա սուբեկտիվ շունչը, նրա վառվռուն ու ոսոսոսուն տեմպերամենտը իրենց դերն ունին այդ բոլոր ձեռնարկների, նաև այս առաջին թիւրբամով և հակառուս կօնդակի յղացման ու խմբա-գրութեան մէջ: Ներսէսին մենք տեսնում ենք դեռ 1865-ի Ազգային ժողովում Ռուսաստանի դէմ թունոտ խօսքեր արտասանելիս: Ռուսական ռէժիմի Կոնստան-թիւնները հայ եկեղեցու, կրօնի, լեզուի, ազգայնութեան դէմ, ռուսացման յամառ ու սխառմատիկ ձգտումները այնքան խորն էին խոցողում հայրենասէր և ջերմօրէն լուսաւորչական ներսէսին, որ նա դրա հանդէպ մի վարկեան պատրաստ էր ջատագովել օսմանեան ռէ-ժիմը, պատրաստ էր նոյնիսկ—տրամաբանութեան կա-նոնները ոտնահարելով և կրօնական մետաֆիզիկային իր տուրքը հատուցանելով—յայտարարել, որ թիւրքական իրաւակարգը այն պատճառով է գերադասելի, որ նա հայի «մարմինը միայն վնասելով», հոգին ազատ, անվնաս կը թողնէ, ուրիշ խօսքով—ըստ Ներսէսի — ֆիզիկական բնաջնջման գերեզմանոցում հայ «հոգին» ու «ազգայ-նութիւնը» դեռ կարող են ապրել ու բարգաւաճել...

Սակայն, Ներսէս միահեծան ու անպատասխանատու հեղինակը չէ այդ թիւրքասէր և ռուսատեաց ծանու-ցումներն: Նա ինքն ասում է նոյն կօնդակում, որ խոր-հրդակցել է Ազգային Վարչութեան խառն ժողովի

հետ թիւրքաւարութեամբ և ռուսատեցութեամբ համակ-ւած էր գրեթէ ամբողջ թիւրքահայ հասարակութիւնը, նաև գիտակից գաւառացիք, ինչպէս կը տեսնենք քիչ յետոյ հայ գաւառական երեսփոխանների ճառերից՝ թիւրքիոյ առաջին պարլամենտում: Թիւրքահայ *élite*-ի ռուսատեցու-թիւնը—որ Սան-Ստեֆանօից յետոյ միայն սկսեց ձեռնա-նալ—նոյնքան և գուցէ աւելի անկեղծ էր, քան նրա թիւր-քասիրութիւնը: Երկգլխեան հզօր արծիւը, որ սեղմել էր իր բռնաւոր ձանկերի մէջ մի բուռն ցեղակիցներին, աւելի ևս ահարկու, վտանգաւոր էր թիւրքահայ մտածողի տան-ջակոծ երեւակայութեան մէջ, քան թիւրքը և բիւրդը: Թիւրքահայը չէր մոռացել Ներսէս Աշտարակեցու և կովկասահայոց վարած մեծ ճակատամարտները յօգուտ ռուսական տիրապետութեան—և նոյնքան մեծ յուսա-խաբութիւնները: Ի՞նչ թարմ էին յուշերը Միքայէլ Նալբանդեանի եղբերական նահատակութեան՝ Պետրօ-պօլիսովսկի զնդանում: Հայ վաղամեռ բանաստեղծի անունը բերնէ բերան հոլովւում էր Կ. Պոլսում ու այլ հայկական կենտրոններում, նրա նկարը բազմաթիւ օրի-նակներով ցուցադրւում ու վաճառւում էր պօլսահայ գրախանութներում, ցուցադրւում էր, իբրև մի տեսակ սենքօլ, խորհրդապատկեր զուտ ռուսական, ինկվիզիտօ-րական հալածանքի...

Այնպէս որ, երբ թիւրքահայոց հոգեւոր պետը, ռուս-տաճկական պատերազմի նախօրեակին, խորհրդակ-ցելով ազգային պատշաճ մարմինների հետ, հրատարա-կում էր յանուն թիւրքահայ ժողովրդի իր լօյալ (*loyal*) հպատակութեան և «օսմանեան հայրենասիրու-թեան» հրովարտակը, — նա անում էր այդ՝ ոչ թէ միայն երկիւղի, «փօլիթիկի», խոհմութեան նկատու-նեցով, ոչ թէ միայն այն պատճառով, որ պատերազմի ելքը անորոշ էր, որ հայերի թշնամական կամ նոյնիսկ փոքր ինչ պաղ ընթացքը կարող էր կատաղեցնել իշ-խանութիւնը, գրգռել մահմեդական խուժանները և աղէտներ յարուցանել, այլ նա անում էր իր թիւրքա-սէր, ամենահպատակ ծանուցումները և այն պարզ գի-տակցութեամբ՝ որ օսմանեան ռէժիմը իր բոլոր արատ-ներով հանդերձ՝ նրա աչքում գերադասելի է ռուսա-կան ազգայնակուլ տիրապետութիւնից:

Չմոռանանք մանաւանդ այն, որ պօլսական մթնոլորտը առգորւած էր այն ժամանակ «ռէֆօրմի» զրոյցներով, որ «երիտասարդ Թիւրքիան» պատրաստում էր արդէն իր ցնցող թատերամուտը, որ պետութեան ճակատագիրը ղեկավարում էր Միթհաթ փաշան, որ հայազգի Օտեանը նրա ինտիմ խորհրդակիցն էր և նրա աջ բազուկը, որ նոյն Գրիգոր Օտեանը միաժամանակ հայ հասարակու-թեան և հայկական ճակատագրի ղեկավարներից մինն էր, որ ուրիշ հայ կառավարական պաշտօնեաներ ևս մասնակցում էին Ազգային ժողովի նիստերին, տալիս էին շարունակ իրենց հրահանգները, տրամադրում

էին մաքերը ի նպաստ օսմանցիութեան և այլն և այլն:

Միջավայրի, շրջապատի և պատմական վայրկեանի այդ բոլոր տեսլանքները ուշադրութեան առնելով, մենք չափազանց և ծայրայեղ պիտի գտնենք մի շարք բնագոյնութիւններ ու ամբաստանութիւններ, որ տեղացել են Վարժապետեանի հասցէին, նրա համալսարանի կոնդակի առթիւ, որի գլխաւոր պակասութիւնը իր ձեւն է, իր անզգոյշ ու անտակոտ ոճը, յատկանիշ մի խակ, միամիտ, անշրջանկատ խմբագրութեան:

Գրիգոր Արծրունին պարզապէս անւանում է այդ կոնդակը «խալտառակ և ամօթալի»^{*)}։ Նա խօսք չէր գտնում իր զգանքն արտայայտելու Ներսէս պատրիարքին:

Այո՛, ասում է նա, դա յատկանիշ է ամենատար, ամենաանբարոյական, ամենալիբե կղերականութեանը^{*)}...

Արծրունուն ամենից աւելի հրում է այն հանգամանքը, որ հայ լուսաւորչական հովիւր գերադասում է մահմեդական տիրապետութիւնը քրիստոնէականից (նուսականից):

Մենք միշտ համոզւած էինք—ասում է հոշոկաւոր հրապարակախօսը իր փոքր ինչ կոշտ բառաւորով— որ... միայն քրիստոնէութեան միջոցով կարելի է մարդկութեանը հասնել լայն, բնագործակ, բարոյական, հասարակական և բնական քաղաքացիականը^{**)}...

Ներսէս, կրկնում ենք, հնազանդւել է իր շրջապատից ու բաղադրական վայրկեանից ստացած մղումներին: Տխուր է, այո, 1876-ի պատրիարքական շրջաբերականի երեւոյթը, վրդովեցուցիչ են այդ փքուռոյց ներքոյնները օսմանեան տիրապետութեան հասցէին, բայց այդ կոնդակի յղացման և գուցէ նաև խմբագրութեան պատասխանատուութիւնը թերևս աւելի ծանրանում է Օտեանների վրայ— որոնց ջերմ, ըմբոս ու ազատամիտ հայրենասիրութիւնը նոյնպէս վեր է ամեն կարգից—նա ծանրանում է հայ դժբախտ, այլանդակւած իրականութեան վրայ, որ զուրկ ամուր նեցուկներից, հակազդեցութեան, դիմադրութեան սեփական միջոցներից, ապաւինած հզօրների կամքին ու խոստումներին, մոլորեցնում է երբեմն ժողովրդասէր, լուսամիտ և լաւագոյն գործիչներին, դատապարտում է՝ գնալ յաճախ մանուածապատ ճամբաներով, մերթ դէպի աջ, մերթ դէպի ձախ, նայեա՛ծ թէ որ կողմից կը գան վարդապոյն, խոստումնալի պատրանքները^{*)}...

1896 թւականը չէր այդ... Օրմանեանի ժամանակաշրջանը չէր:

Մե՛ծ էին դեռ պատրանքները 1876 թւականին, դիւրին էր դեռ խաբւիլ սուլթանից, թիւրքերից այն պատմական և փոթորկոտ օրերում, երբ ծնւում ու կերպարանւում էր թիւրքի մէջ սահմանադրական, բարենորոգչական հոսանքը, երբ հիմնւում էր օսմանեան պարլամենտը, երբ դեռ Վարժիք Գալանը— նոր

միայն բազմած սուլթանական գահի վրայ— չէր ցոյց տւել իր ահաբեկի ժանիքները, երբ դեռ հայի հայրենիքը չէր տեսել զանգւածային ջարդերի ուրագանը...

Այնուամենայնիւ, Ներսէսի շրջաբերականը բուն դժգոհութիւն յարուցեց որոշ հայ շրջաններում, եւ յարձակումներն ուղղւեցին պատրիարքի անձնաւորութեան դէմ: Իսկ կառավարական շրջանների մէջ, ինչ տեսել կուզէ, խիստ գոհ էին... Գոհ էր առհասարակ Արգիւլ Համիդը հայոց պատրիարքի ու պօլսահայերի բռնած ընթացքից և աւելի ևս խրախուսելու համար այդ նպաստաւոր տրամադրութիւնը՝ նա որոշեց հանդիսաւոր ժեստով յայանել հայ ազգին իր արքայական համակրանքը: Մի օր կանչեց Ներսէսին պալատ և կախեց նրա կրծքին օսմանիէ ականակուռ պատւանշանը: Պառաւ աղուէսը սկսեց դրանով իր դժոխային հնարքները... Թովիչ լեզուով նա յուսադրում էր հայոց պատրիարքին. «Թո՛ղ, ասում էր, պատերազմը վերջանայ, ես գիտեմ, թէ իմ սիրելի, հաւատարիմ հայ ազգիս ինչե՛ր պիտի Ծանեմ»...

Այդ ականակուռ շքանշանը առաջին անարգանքն էր, որ հայութեան ապագայ դահիճը հասցրեց հայ ժողովրդին...

Խրիվեան չկարողացաւ զսպել իրեն և խօսելով Ալաշկերտի սպանութիւնների ու աւերածի մասին— «Հայագոյժ» ի մէջ—ականարկեց սուլթանական ընծայի վրայ:

Ոչխարներու ոսկորներէն մանեակ շինեցին և հովիւին վզէն կախեցին...

Եւ սակայն, Արգիւլ Համիդի այդ սիրալիք ուշադրութեանը խանդավառութիւն յարուցեց հայ Ազգային Ժողովի մէջ և որոշեցին նոյնիսկ շնորհակալութեան ուղերձ ներկայացնել սուլթանին... Ահա թէ որտեղ են ճշմարիտ պատասխանատուութիւնները Վարժապետեանի երբեմն վարած թիւրքամոլ բաղադրականութեան և նրա մի շարք «վրիպումներ» համար... Անհատական չէին այդ վրիպումները, այլ հաւաքական: Եւ թիւրքահայոց այդ հակառուս ու տաճկանպատ տրամադրութեան գերագոյն արտայայտիչն էր Ամենայն Հայոց Վաթիկանը, Գեորգ IV, որ մինչև վերջ մնաց իր խոր ու անհաշտ ատելութեամբ դէպի ռուսական ռեժիմը, հրաժարւեց օգնութեան կոչ անելու Ռուսաստանին, անգամ 1878-ին, երբ Թիւրքաց Հայաստանը ծայրէ ծայր մատնւել էր քրդական հրոսակներին, երբ Դիմիտրի հայերը փոխարքայի միջոցով դիմում էին ցարին, միջամտութիւն աղերսելով և երբ Մատթէոս Իզմիրեան, պատրիարքի ու ազգայինների յանձնարարութեամբ, եկել էր Ելմիածին (1878 թ. մարտի սկզբներին), դրդելու կաթողիկոսին, որպէս զի նա ցարի հովանաւորութիւնը խնդրէ կործանող Հայաստանի համար...

Մի ուշագրաւ երեւոյթ է թիւրքահայոց այդ ռուսաաւանդ տրամադրութիւնը, որ հասնում էր երբեմն փնասակար

*) «Մշակ», 1876 թ. № 33:

**) «Մշակ», 1876 թ. № 33:

ծայրայեղութիւններ, որոնց աղբիւրը, առհասարակ, ոչ այնքան անկեղծ թիւրքաթիւրութիւնն էր, որքան ազգայնական, հայրենասիրական խոր բնազդը: Ռուսաստանը, իր բոլոր առաւելութիւններով հանդերձ, թիւրքահայերի աչքում էապէս ազգայնակու մի ոյժ էր և կովկասեան հայութիւնը, նրանց կարծիքով, դատապարտւած էր վաղ թէ ուշ իսպառ կորցնելու իր ազգային կերպարանքը և ձուլելու ռուսութեան, օրթօգօրսութեան գրկում: Եւ թւում է թէ այդ *profession de foi*-ն, հակառուսական այդ ներշնչումները տիրում էին աւելի թիւրքահայ առաջաւոր ու գիտակից տարրերի մէջ — բուրժուազիայի, մտաւորականութեան — որոնք, բնականաբար, աւելի են մշակւած հայրենիքի գաղափարով, աւելի են զգայուն ու նախանձախնդիր ազգայնական ստացւածքների վերաբերմամբ — բայց միւս կողմից նոյն ռուսաստանց հոգեբանութիւնը, թւում է թէ, ընդհանրապէս խորթ էր բուն թիւրքահայ, գաւառական ժողովրդին, որ, ինչպէս գիտենք, միշտ էլ ջերմ խանդավառութեամբ է դիմաւորել ռուսական դրօշակին, թէ 1828-ի օրերում, երբ ռուսաց զօրքը առաջին անգամը Պանկեփիչի հետ մտնում էր Կարին, և թէ 1878-ին, երբ երկրորդ անգամ նոյն ռուս զօրքը յաղթական մուտք էր գործում նոյն քաղաքի մէջ, Լօրիս-Մէլիքովի հրամանատարութեամբ:

Ռուսաստան էր ընդհանրապէս թիւրքահայ ժողովուրդը, գիւղացիութիւնը, ռուսաստան էր նա վաղեմի, դարաւոր աւանդութիւնների զօրութեամբ, աւանդութիւններ՝ որոնց մէջ պատրանքի հետ միասին կար և խոշոր, անուրանալի ճշմարտութիւն (ռուսական տիրապետութեան առաւելութիւնները՝ մասնագիտական աւելորիչ ու բարբարոս լուծերի հանդէպ...) — բայց միւս կողմից՝ ռուսաստան էր միջին թիւրքահայ ինտելիգենտը, բուրժուան, վաճառականը, ռուսաստան էր շատ թէ քիչ գիտակից ու աչքաբաց թիւրքահայը:

Եւսիստ հետաքրքրական և կարեւոր են այդ հակառուս մտայնութեան և այդ «թիւրքասէր» զբաղումների լուսաբանութեան համար՝ այն մի շարք յայտարարութիւնները, որ արին թիւրքահայ երեսփոխանները օսմանեան անդրանիկ պարլամենտի մէջ — յայտարարութիւններ՝ որ պէտք է համարել ինքնայորդոր, յօժարակամ և ոչ բռնադատեալ: Աւանգական «փօքիթիկն» ևս, անսարակոյս, որոշ գեր ունէր հայ պատգամաւորների այդ խանդավառ ճառերի մէջ, բայց և անշուշտ, նրանց ռուսաստանց և թիւրքասէր շեշտերը *au fond* անկեղծ էին:

«Մասիս» ամսագրի 1877-ի ապրիլ 28-ի համարում արձանագրւած է օսմանեան պարլամենտի մի նիստը պատերազմի խնդրի վերաբերեալ խօսում են Ռուսաստանի դէմ նաև հայ պատգամաւորները: Խօսում է ամենից առաջ Հալէպի երեսփոխան Խարաջեան էֆէնտի. յայտարարում է իւր ազգակցած և մասնաւորապէս զինքն

ընտրող գաւառին հայ ժողովրդեան կողմէ, թէ Ռուսիոյ պաշտպանութեան բնաւ պէտք չունին, այլ գոհ են իրենց ճակատագրէն և թէ պատրաստ են ամեն զոհողութիւն ընել՝ իրենց երկիրն ու վեհապետը Ռուսիոյ յարձակման դէմ պաշտպանելու համար:

Մաքսուտեան Սեպուհ էֆէնտի հաստատում է Մանուկ էֆէնտիի ասածը:

Ապա խօսք է առնում Կարնոյ երեսփոխան Պալլարեան էֆէնտի: Յայտարարում է, թէ ինք, որ հայ է և Կարնոյ գաւառին երեսփոխան, այսքան կըսէ, թէ հայերն իրենց իշխանութիւնը կորսնցնելէ ետեւ, հինգ հարիւր տարիէ ի վեր իրենց կրօնքը, լեզուն և ազգութիւնը պահած են օսմանեան իշխանութեան ներքեւ:

Պալլարեան էֆէնտիի այդ խօսքերը հաստատում է Կարնոյ միւս հայ երեսփոխանը, Դանիէլ Խարաջեան, աւելացնելով, որ «կարնեցիք, հայ և իսլամ եղբարք ի միասին զինուորած են. ինքն ալ, որ տէրութեան աստիճանաւոր մ'է, իր ազգակցած օրինակ տալու համար՝ հասարակ զինուորաց կարգը մտել է» և այլն:

Նոյն հակառուսական յայտարարութիւններն արեց և Ադրիանուպոլսի հայ երեսփոխան Ռուբէն էֆէնտի:

Ինչ արել կուզէ, պարլամենտի իսլամ մասը ցնծում է, ծափահարում, առաջարկում է բոլոր լեզուներով թարգմանել ու հրատարակել այդ ճառերը, որպէս զի աշխարհը տեսնէ, թէ ինչպէս թիւրքիոյ հայ ու այլ քրիստոնեաները (մի քանի յոյն պատգամաւորներ ևս խօսեցին նոյն իմաստով) հակառակ են Ռուսաստանի հովանաւորութեան: Հալէպի հայ երեսփոխանը խանդավառած, վերստին բեմ է ելնում և «յանուս քրիստոնեայ երեսփոխանաց շնորհակալութիւն է յայտնում իսլամ երեսփոխաններին՝ նրանց եղբայրական զգացմանց համար»... Եւ խորհրդարանը նորէն թնդում է բուռն, երկարաւե ծափերով...

Երկու ամիս յետոյ — այլ տեսարան: Նոյն «Մասիս»-ը իր յունիս 19-ի համարում տալիս է արձանագրութիւնը մի այլ նիստի, ուր խօսում է նոյն Կարնոյ երեսփոխան Համադասպ էֆէնտի Պալլարեանը. խօսում է բոլորովին տարբեր նիւթի — քրդական հարստահարութիւնների մասին: Պատմում է, թէ ինչպէս աշիրեթականները անպատիժ նիւթում են ամեն տեսակ սոսկուճներ և վաղիներից ու միւթեւարիֆներից շատերը գործակցում են քրդերին...

Երբ կը հարցնէի կուսակալներուն, թէ ինչու քիւրդերը չեն պատժուիր, որոյ համար երկու վաշտ զօրք բաւական է, և այսպէս անպատիժ թոյլ կը տրուի, որ շարունակեն իրենց շարագործութիւնները, ինչի կը պատասխանէին, թէ «այս գործին մէջ «հիբ մէթի հիւլէ մէթ» կ'այ (պետական գաղտնիք): Վերջէն խելամուռ եղայ, թէ ի՞նչ է եղեր այդ պետական գաղտնիքը ասածին. այդ հիբ մէթը սա է եղեր թէ կուսակալութիւնն անոր համար այդ վիճակին մէջ կը պահէ եղեր քիւրդերը, որ եթէ հայերը Հայաստանի մէջ ապստամբական շարժում մ'ընեն, քիւրդերը զանոնք զսպեն և մէկ մ'ալ, որ

քիւրդերը, երբ պատերազմ բացւի Ռուսիոյ դէմ, օսմանեան բանակին իբրեւ կամաւոր զօրք, օգնութիւն պիտի ընեն եղբր...

Երկու նիստերի այդ տխուր կօնտրաստը, հայոց երկու յայտարարութիւնների այդ աղաղակող հակադրութիւնը այնքա՛ն բնորոշ է այն աշիւ, յուսահատ, ողբերգական կացութեան համար, որի մէջ գտնւել է բանիցս թիւրքահայ հասարակութիւնը, ստիպւած՝ մի կողմից վախով ու կսկիծով մերկացնել թիւրք ռէժիմի դիւային «հիք-մէթները»՝ Հայաստանի մէջ, միւս կողմից ընդունել ու փաստաբանել հանդիսաւոր ձեւերով, ի լուր պիտոյ՞ Եւրոպայի՝ այդ նոյն չարագործ, ազգայնաշինջ ռէժիմի յարաբերական բարիքները... հանդէպ մի այլ, քրիստոնեայ ռէժիմի, որ սպաննում էր սրշաւել գէպի Հայաստան և որ աւելի կարծր էր, դաժան, աւելի մահառիթ ու ահաւոր այդ թիւրքահայ իդէօլոգների աչքում, որորհետեւ նա, ճիշտ է, խնայում է ազգի մարմինը, պահպանում է նրա ֆիզիկական գոյութիւնը, բայց դրա փոխարէն՝ սպանում է «ազգութեան հոգին»...

Եւ այդ «հոգին» փրկելու համար էր, որ պատրիարք ու Ազգային ժողով բռնեցին սկզբում բացարձակապէս թիւրքաւնկալող ոչ հակառուս բաղադրականութեան մի գիծ:

Դա առաջին շրջանն էր ազգային վեհերոտ, ճակատագրորէն ախտաւոր ու սայթաքուն բաղադրականութեան:

Բայց ահա ոռւսաց զօրքը իր յաղթական ընթացքի մէջ հասաւ Սան-Ստեֆանօ և ցարական թնդանօթի գոռ որոտը սասանեցրեց թիւրք կայսրութեան հիմքերը... Մէկէն ի մէկ յեղաշրջեց թիւրքահայ հասարակութեան տրամադրութիւնը, մէկէն ի մէկ ոռւսաստիճութիւնը դարձաւ կարգախօս և ներսէս պատրիարքը, հնազանդւելով դարձեալ ընդհանուր, հաւաքական կարգախօսին, բռնեց տրամագծօրէն հակառակ ընթացք, ուղևորւեց «դէպի Սան-Ստեֆանօի ոռւսական բանակատեղին»՝ հայցելու համար մեծ իշխան հրամանատարի և նրա միջոցով ցարի հովանաւորութիւնը՝ Երկրորդ շրջանն էր այդ՝ հայկական քաղաքականութեան:

Արդիւնքը—16-րդ յօդւածը...

Աւելին էր սպասում հայութիւնը՝ նա այնքա՛ն զոհաբերել էր ոռւսական յաղթանակներին և այնքա՛ն զրկանքներ ու աղէտներ էր ապրել պատերազմի միջոցին... Քիւրդ ու թիւրք՝ հեղեղի պէս թափել էին վրէժ-խնդրութեան իրենց թոյիը հայ քրիստոնեայ անպաշտպան ժողովրդի վրայ, որ չէր թագգրել իր համակրանքը ոռւս յաղթական բանակին, անթիւ գիւղեր աւերւել ու հրդեհւել էին, բնակիչները կոտորւել, տաճարները սրբապղծւել և դեռ բանի՛ աղէտներ էին սպաննում պայթել այդ ժողովրդի վրայ, եթէ ոռւսաց զօրքը բաշէր,

առանց հիմնական բարենորոգումներ մտնել տալու երկրի մէջ... Միւս կողմից ամենքն էլ գիտէին, թէ թիւրքիայում և թէ Ռուսաստանում, թէ ինչ անգնահատելի ծաղայութիւններ էր մատուցել ոռւսներին կովկասահայ ժողովուրդը, մի շարք փայլուն հայ զօրավարները, որոնք իրենց ռազմագիտական աղանդով, յանդգնութեամբ ու ծանօթութեամբ տեղական պայմանների, երկրի բոլոր խորշերի՝ մեծապէս նպաստել էին ոռւսաց զենքի աջողութեան:

Այդ բոլորը գիտէին և Պետերբուրգում... Ե՛րբ են սակայն ոռւս վարիչները արդարօրէն գնահատել ու վարձատրել հայ տարրի անբաւ զոհողութիւնները... Յիշենք դարձեալ 1826-28-ի մեծ դրաման, հայ ժողովրդի մասսային զինւորագրութիւնը ցարական դրօշակի տակ, ներսէս Աշտարակեցու խանդավառ մասնակցութիւնը և ի վերջոյ՝ դառն, սրտաճմլիկ յուսախաբութիւնը...

Յուսախաբ մնաց և միւս ներսէսը՝ Դժգոհ մնաց հայութիւնը 16-րդ յօդւածից, որ շատ հեռու էր հայկական ինքնօրինութեան երազներից և որ լոկ տարտամ բառերով խոստանում էր իրագործել տալ ինչ որ բարենորոգումներ տեղական պէտքերին համեմատ...

Դրական երաշխիք էր արդեօք—Հայաստանի բարենորոգման համար— ոռւս զօրքի ժամանակաւոր ներկայութիւնը երկրի մէջ։ Ուզո՞ւմ էր արդեօք Ռուսաստանը անկեղծօրէն և լրջօրէն բարենորոգել այդ երկիրը։—Թէ՛ նրան միայն հետաքրքրում էր ապագայ գրաւումի նախագիծը...

Այսպէս թէ այնպէս, թիւրքահայերը՝ յանձին նոյն իրենց առաջաւոր տարրերի՝ յուսախաբեցին Ռուսաստանից և ապաւինեցին... նրա ռիսերիմ հակառակօրդ Անգլիային։ Նորէն կացութեան փոփոխութիւն— նորէն volte-face... Սկսեց դրանով հայ քաղաքականութեան երրորդ շրջանը, որ պիտի վերջանար աւելի ցաւափին յուսախաբութեամբ։

Անգլիան արդէն պատմական այդ ահաւոր տագնապի մէջ ճիգ էր թափում պահպանելու թիւրքիոյ ամբողջութիւնը, ընդդէմ ոռւսական արշաւանքի, որով միանգամայն վտանգւած էր տեսնում իր Հնդկաստանի ճանապարհը։ Անգլիան, Լորդ Բիկօնսֆիլդի չարաղէտ ներշնչումով, հոգին էր այն բոլոր դաւերի, որոնք նպատակ ունէին բաժանելու և իրար դէմ հանելու թիւրքիոյ քրիստոնեայ ժողովուրդները, տրամադրելու հայերին ի նպաստ թիւրքերի և ընդդէմ ոռւսների, մտեցանելու հայերի մէջ սին, չարաշուք պատրանքներ, օրօրելով նրանց բրիտանական հովանաւորութեան լայնալայն խոստումներով... Անգլիան կանգնեցնում էր Ռուսաստանին Պոլսոյ ճանապարհի վրայ, իր ահաբեկ նաւատորմը նետելով գէպի Դարդանէլ։ Անգլիան, վերջապէս, հարկադրում էր Եւրոպային՝ վերաբնութեան ենթարկել Սան-Ստեֆանօի դաշնագիրը և կոչում էր Ռուսաստանին

տանին համակերպական արեօպագ... Անգլիան ժամանակի ամենահզօր պետութիւնն էր և դէպի նա յառեցին Կ. Պօլսի հայ ազգայինների յուսավառ ու աղերսող աչքերը... Սան-Ստեֆանօի դաշնագրի վերաբնութեան առաջարկը գոհունակութիւն պատճառեց և հայկական շրջաններին: Սկսեց մի տենդային ագիտացիա, ներսէս պատրիարքը լարեց իր բոլոր ձիգերը, ի գործ դրեց իր բոլոր հնարքները՝ հայկական հարցը Եւրոպայի մէջ յուզելու համար և բերլինի վեհաժողովից աւելին ստանալու, քան թէ տեւէր Սան-Ստեֆանօի դաշնագիրը: Ֆրանսերէն ու անգլիերէն լեզուներով հրատարակում են յօդաւանդներ ու բրօշուրներ, հրատարակում է ներսէսի թելադրութեամբ և ընդարձակ տեղեկագիր Հայաստանի կացութեան մասին:

Արդէն իսկ Լօնդօնի, Մանչեստրի հայ գաղութները գործում էին եռանդով՝ հայութիւնը և հայ դատը ճանաչել տալու Եւրոպային, մասնաւորապէս Անգլիային: Անգլոսիրութեան, աւելի ճիշտ աւելում ու թեան մի կատարեալ տենդ էր, որ բորբոքեց հայերի մէջ, եւ կարելի է ասել, փոխադարձաբար, անգլիացիների մէջ ևս բորբոքեց մի ճշմարիտ տենդ հայասիրութեան և հայկական հարցասիրութեան: Ահա «Մասիս»-ի այն ժամանակայ մի թղթակցութիւն, որ պարզ գաղափար է տալիս՝ մեզ համար յուզիչ ու պատմական այն վայրկեանի մասին:

«Հայոց հարցը — գրում էր «Մասիս»-ի լօնդօնեան թղթակիցը — Բաւական շարժում է առաջ բերել Լօնդօնի մէջ. շարունակ հայ ազգին և նրա ապագային մասին կը խօսին: Այս յուզումն առաւել ևս զգալի եղաւ, երբ Ռուսիա Հայաստանի մէկ մասը սեփականել որոշեց: Շատ քաղաքագէտ անձինք Ռուսիոյ դէպի Եփրատայ հովիտը յառաջանալուն մէջ մեծ վտանգ կընդունջարեն»...

Թղթակցի ասելով, անգլիական թերթերը շարունակ հրատարակում էին յօդաւանդներ ոչ միայն Հայաստանի մէջ կատարող հարստահարութիւնների, այլ և հայոց պատմութեան, լեզւի, կրօնի մասին, պատկերազարդ թերթերը հրատարակում էին հայ թագաւորների ու հոգեւորականների պատկերներ: Լոյս է տեսնում «Դեմոկրատ»-ը և «Հայք»՝ վերնագրով մի տետրակ, որ ջրում է պարլամենտի անդամներին, մինիստրներին, թագուհուն, լորդերին... Լաւ ընդունելութիւն է գտնում կլոբների ու եկեղեցական շրջանների մէջ... Ամեն տեղ ջերմ համակրանք հայերի համար: Մասնաւոր հետաքրքրութիւն են ցոյց տալիս Արգայլի դուքսը և Ջեյմս Բրայս: Վերջինս հրաւիրում է իր առն իր անգլիացի բարեկամներին և Լօնդօնի ու Մանչեստրի ակաւաւոր հայերին՝ խորհրդակցելու համար հայկական դատը առաջ մղելու միջոցների մասին: Ժողովին մասնակցում են բանի չափ ծանօթ անգլիացի գործիչներ, մեծ մասամբ պարլամենտի անդամներ:

«Սեղանի մը վրայ Հայաստանի աշխարհագրական ընդարձակ քարտէզ մը դրած էր և ամեն ոք նրա դիրքը կը զննէր»... Խօսում են հայկական ավտօնօմիայի ու նրա հնարաւորութիւնների մասին: Անգլիացիներից ոմանք առաջարկում են Լիբանանի պէս մի ռեժիմ սահմանել Հայաստանում... Որոշում է, վերջապէս, մի պատգամաւորութիւն ղրկել Լօրդ Դերբիին (արտաքին գործ. նախարար) և ներկայացնել նրան յիշատակագիր, խնդրելով, որ հայկական խնդիրը դրւի առաջիկայ Դեմոկրատիկ ղովի առջև:

Հայ թղթակիցը ի վերջոյ խանդավառ ուրախութիւն է յայտնում հանդէպ «անգլիա ու վեհանքն ազգին զաւակներուն, որոնք հայ անւան ցոյց տաւ կարեկցութեան և սիրոյն համար՝ համայն հայոց երախտագիտութեան արժանի են» *)...

Հետաքրքրական է 1878-ի ապրիլին Լօնդօնում հրատարակւած մի բրօշուր «The Eastern Question and the Armenians» (Արեւելեան հարցը և հայերը) խորագրով, որ մի ուշագրաւ մարգարէութիւն է և մի տեսակ ահազանգ Բերլինի Վեհաժողովի նախօրեակին:

Ներկայ պատերազմը պիտի բերէ՞ արդեօք վերջնական լուծումը — հարց է տալիս անանուն հեղինակը: Եւ պատասխանում է վճռականապէս — ոչ: Որովհետեւ, ասում է նա, Թիւրքիայից սպասել վերանորոգում, ռեֆօրմ — անկարելի է: Եւ քանի որ Եւրոպան ստանձնել է իրաւարարի պաշտօն, ապա պէտք է լուծուի տայ Արեւելեան խնդիրն ոչ միայն եւրոպական, այլ և ասիական կողմից. պէտք է ազատագրէ ոչ միայն Բուլղարիան, այլ և Հայաստանը... Զգո՛յշ — ասում է նա, դիմելով պետութիւններին — եթէ Արեւելեան հարցը լուծէք միմիայն Եւրոպայում և մուսուլմանեան տաք Ասիայի դուք դրանով կը փոխադրէք միայն խնդիրը, բայց չէք լուծի վերջնականապէս...

Եթէ եւրոպական Թիւրքիոյ իւրօր բուլղարն է, ասիական Թիւրքիային — հայն է: Շատ խօսեցին վերջերս բուլղարների մասին և դա միանգամայն հասկանալի է, շատ էին յուզել բոլորին Բուլղարիոյ մէջ կատարւած «Թիւրքական տարածքները»:

Սակայն, եթէ կարելի լինէր ուրուագծել հայ ժողովրդի տառապանքների պատկերը՝ նա շատ աւելի ծանր պիտի լինէր բուլղարականից: Բուլղարները գէթ շրջապատւած չէին այնպիսի վայրենի հորդանքով (քիւրդ, աւար, չէքեք), որոնք շարունակ թալանում, սպանում ու սրբապղծում էին անպատիժ կիրպով: Այդպէս էր հայոց վիճակը պատերազմից առաջ. նա աւելի ևս ծանրացաւ պատերազմից յետոյ: Մասնաւոր դէպքերը ընդհանրացան: Բաւական չէ, որ 20—30 հազար հայ պատերազմի ատեն լծեցին իբրեւ ճշմարիտ զրաւունք՝ թնդանօթներն ու ռազմամթերքը հեռու փոխադրելու և տոհմատակ ամենամոտր աշխատանքներ կատարելու համար, բաւական չէ, որ միայն հայ ժողովուրդը կողոպտեցին, առան նրանից ամեն ինչ՝ պատերազմի ծախքերը հոգալու համար, այլ և պարգապէս մատնեցին այդ ժողովուրդը քիւրդ հրոսակներին, որպէս զի նրանք իրենց կամաւսը մասնակցու թեմաք ու ժողացնէին օսմանեան բանակը: Եւ ամբողջ ճանապարհի վրայ, որ անցել են հրոսակները մինչև պատերազմի դաշտ — ոչինչ չի մնացել կանգուն: Հսկայական է թիւը այրւած դիւղերի, սրբապղծւած ու թալանւած եկեղեցիների ու վանքերի, մեծ է քանակը և սպանւած հայերի... Բայց ամենէն զարհուրելին, որ սարսուռ է ազդում իւրաքանչիւր քիչ թէ շատ մարդասէր անհատի վրայ — այն է՝

*) «Մասիս», 1878 թ. 6 ապրիլ:

որ պատերազմի վախճանը դեռ վախճան չէ հայկական այդ սարսափների ընդհանրապես. բոլոր այդ մահամեղական ցեղերը—չէրքեզ, պոմակ և այլն—որոնց քշել է Ռուսներից ուսումնական բանակը, պիտի նետուին ասիական վիլայեթների վրայ, ինչ ատելություններ ու վրեժխնդրություններ և պիտի քաշել տան Ասիոյ քրիստոնեաներին... Ահա թե ինչ է սպասում հայերին ապագայում...

* *

Ուղիղ 35 տարի է անցել—և այսօր էլ նոյն երգն են երգում հայ և օտար՝ հայկական մշտագալար դատի շուրջը։ Նոյն յուսահատ գիտանալը յաւիտենորէն անփոփոխ կացութեան, նոյն ցաւոտ ու չարագուշակ շեշտերը։ Կրկնում է, անվերջ, ազդեցիկ, զգացողիչ նօտերով կրկնում է հայոց պատմութիւնը և դեռ տասնեակ տարիներից յետոյ պիտի կրկնուի նա՝ նոյն ախուր ու փառազուրկ էջերով, եթէ հայութիւնը շարունակէ ինքնուրոյն իր ինքնասպան կրաւորականութեան մէջ, եթէ նա ականջ չդնէ սարսափելի իրականութեան պահանջներին և չկազմէ, վերջապէս, լուրջ ինքնապաշտպան ու գիմարական ոյժ...

Մ. ՉԱՐԱՆՅԱՆ

Ա Ի Գ Ո Ւ Ս Տ Բ Ե Բ Է Լ

Ամբողջ կէս դար գերմանական և համաշխարհային պատմութեան բնմի վրայ պայքարող ու փոթորկող մի կեանք է, որ մարում է իր վերջալոյսին։ Մի չքնաղ, հազագիշտ կեանք, որ անսովոր փայլ էր տալիս ժամանակակից պայքարներին, մի մարդ, որ չէր իջել շատերի պէս «բարձրից», ազնւական, բուրժուական դասակարգներից դէպի խաւար զանգաւանները, այլ ընդհակառակը, բարձրացել էր ժողովրդային առաւապների խորերից միշտ դէպի վեր, դէպի փառքի ու հմայքի անանցանելի գագաթները։ Այնտեղից նա իշխում էր տիրականորէն իր ծնող ժողովրդի վրայ, իբրեւ մի ջինջ բարոյական իդէալ կռում էր հզօր ձեռքով նրա դժուարին ճակատագիրը, առաջնորդում էր պրօլետարիատը պայքարից—պայքար, յաղթանակից—յաղթանակ, դէպի գաղտնի սօցիալական դրախտ, առաջնորդում էր իր հմայիչ խօսքի ուժով, դիւթում էր բազմահազար լսարանները իր հուժկու պերճախօսութեամբ, թնդացնում էր Ռայխստագի կամարները հանդիսաւոր վայրկեաններում—և միլիոնաւոր ու միլիոնաւոր մարդիկ ունկնդրում էին վախ, շանթարձակ մարգարէին՝ սրտատրոփ, յուզմունքով, մի ճշմարիտ կրօնական ուշադրութեամբ, մինչ աշխարհի «հզօրները» համակոււմ էին երկիւղով ու պատկառանքով...

Աւգուստ Բեքէլ մեռաւ, Գերմանական Սօցիալ-Դեմոկրատիան զրկւեց իր մեծագոյն առաջնորդից, համաշ-


խարհային Սօցիալիզմը կորցրեց իր ամենախոշոր աստղերից մինը։

Անակնկալ չէր այդ մահը եօթանասնամեայ տրուած ու հիւանդոտ գործիչի, նա չ'ընկաւ կրկեսի մէջ բուռն պայքարի միջոցին, նա արդէն իսկ մէկ ոտքով գերեզմանումն էր, հեռու կեանքի ժխորից, հիւսիսային մեկուսացման մէջ իր յուշերը արձանագրելիս... Եւ սակայն, տեսէք այդ անհամար արտասուացող աչքերը յուղարկաւորութեան թափօրներին, ականջ դրէք այդ դառն հեծկլաոցներին, որ հնչում են սգաւոր պրօլետարիատի և սօցիալիստ մտաւորականութեան շարքերից, լսեցէք ցաւի ու ափսոսանքի այդ անսովոր շեշտերը համաշխարհային մամուլի մէջ, անգամ ամենամեծ բուրժուական օրգաններում... Ցպաւորութիւնը ահագին է, սասանեցողիչ։ Գուցէ երբեք քաղաքակիրթ մարդկութիւնը ի դէմս իր առաջադէմ հասարակների չէր զգացել այնպիսի սարսուռ, այնքան ցաւոտ, անդարմանելի դատարկութիւն, գուցէ երբեք ոչ մի մահոյց չէր յարուցել աշխատաւոր և մասնող զանգաւաններում այնքան ուժեղ ու խոր ցնցում, ինչպէս այդ կարճ, լակօնիկ հեռագիրը, որ շվեյցարական մի խուլ գիւղից տարաւ դէպի աշխարհի չորս ծայրերը՝ հռչակաւոր սօցիալիստի մահան բօթը։ Ահագին էր այն կորուստը, որ ապրում էր գիտակից և առաւապող մարդկութիւնը վերջին դարու ընթացքում՝ ի դէմս իր մարող հանձարների ու ուղիւ միկներին—Ալիսօր Հիւգօի, Բլանկիի, Լասսալի, Գարիբալդիի, Գամբետայի, Մարքսի, Գարվինի, Գլադստօնի, Տօլստօյի—բայց և ոչ մէկին այնպէս ջերմօրէն չ'ողբաց եւրոպան, ամբողջ պայքարող գաղափարական եւրոպան, ոչ մէկի պատճառած սուգը չ'եղաւ այնքան ընդարձակ ու խորունկ, անդարմանելի, ինչպէս այս մէկը, որ երէկ տանում էր հարիւր հազարաւոր մարդկային ծովը Յիւրիսի փողոցներով, Բեքէլի դիակառքի ետեւից։

Ո՛ր է գաղանիքը... Բեքէլ չունէր, սակայն, ոչ Մարքսի ու Լասսալի ներհուն միտքը, ոչ Բլանկիի ու Գարիբալդիի յեղափոխական ոգին և հերոսութեան ու մարտիրոսութեան դափնիները, ոչ Հիւգօի ու Տօլստօյի ստեղծագործող հանձարը, ոչ էլ Գամբետայի բոցաշունչ պերճախօսութիւնը։ Նա առաջին հետադիմ էր միմիայն Գերմանիայում, ուր առհասարակ խիստ սակաւ են ճշմարիտ հետադիմները, նրա խօսքն ու ժեստը—որքան և գեղեցիկ—դալկանում ու մարում էին ժողովրդական ճարտասանութեան հսկայ խոյանքների հանդէպ, ուր գիտութիւնը, փիլիսոփայութիւնն ու արուեստը մրցում են, հաւասարապէս զօրաւոր և տիրական։ Ըստ փայլուն չէր և Բեքէլի հրապարակախօսութիւնը, նրա գրքերը սքանչելի ժողովրդացումն են սօցիալիստական գաղափարների, բայց չեն զարմացնում խորութեամբ, նրա գիտական-փիլիսոփայական պաշարը սահմանափակ է... Եւ ի՞նչ զարմանք, այդ ինքնուս պրօլետարը միջնա-

կարգ դպրոց անգամ չի անցել. ինքնաշխատութեամբ հասել էր նա ամենաբարձր, ամենանախանձելի դիրքի, որ կարող է երազել մի մեծ երկրի բաղադրական գործիչ. ինքնաշխատութեամբ, յամառ, անդուլ ճիգերով նա դարձել էր գերմանիայի մեծագոյն կուսակցութեան առաջնորդը, նրա գերագոյն ղեկավարը:

Պրօլետար՝ իր ծագումով, պրօլետար՝ իր նիւթական կացութեամբ, կարիքներով ու զրկանքներով, պրօլետար և սօցիալիստ իր բնազդով ու աշխարհահայեացքով՝ նա 26 տարեկան հասակի մէջ բազմում է, իբրև պրօլետարիատի միակ ներկայացուցիչ գերմանական պարլամենտի մէջ (1867 թ.) և մի առժամանակ ճակատամարտում է մեն-մենակ ամբողջ բուրժուապահպանողական բլոկի դէմ: Հուսով միանում է նրան Լիբկնեխտ, միանում են կամաց-կամաց այլ սօցիալիստ



Բ Է Բ Է Լ

պատգամաւորներ, որոնց շարքում Բէթել շարունակում է պահպանել իր եզակի դիրքը, բարձրանում է աստիճանաբար իր արտակարգ գործունէութեան, իր կուռղ տեմպերամենտի, իր խոշոր ու բնածին կարողութիւնների շնորհիւ, բարձրանում է իր ծնող-պրօլետարիատի աստիճանական վերելքի հետ, ինքն անձամբ հզօրացնւն պատասաւորում է այդ վերելքը իր բուռն, տենդային քարոզչութեամբ և ի վերջոյ... նախկին անուս ճախարակագործը դառնում է գերմանական Ռայխստագի ամենափայլուն աստղը, Բիսմարկի ամենահեղ հակառակորդը:

Այդտեղ է ահա երևոյթ իր եզակի, համաշխարհային բնաւորութեամբ:

Թէօրետիկոս չէր Բէթել, գիտնական չէր, ոչ իսկ համալսարանաւարա, բայց նա գործնական վարիչն եղաւ մի ահագին կուսակցութեան, իր անվրէպ

բնազդով, պրօլետարական հոտառութեամբ՝ նա գիտցաւ մարզել ու ղեկավարել աշխատաւորների բազմամիլիօն բանակը, որը խորունկ հիացումով, գրեթէ կոյր հնազանդութեամբ հետևում էր նրա հրահանգներին... որովհետև Բէթել խորթ չէր այդ աշխատաւոր ընդհանրութեան համար, նա պրօլետարիատի հարազատ զաւակն էր, նրա իղձերի ու կարիքների ճշմարտագոյն թարգմանը, նրա դատի ու դրօշակի ամենաջինջ կրողը: Մարքս, Լասսալ, Էնգելս, Լիբկնեխտ — նրանք բոլորը մտաւորական գործիչներ են, որ գալիս են բուրժուազական շրջաններից և գաղափարական մղումներով որդեգրում են աշխատաւորական դատը: Աւգուստ Բէթել — նա ինքը մարմնացում է և խիղճը պրօլետարիատի. նա գերմանական աշխատաւորի կատարելատիպն է, նրա ուղեղով կուռ ու յստակ մտածում են միլիօնաւոր հարստահարաւորները, նրա սրտով ու ժգնօրէն բաբախում են միլիօնաւոր ուրիշ սրտեր, նրա լեզուով պարզ ու խորիմ բառաբանում են միլիօնաւոր լեզուները: Նրա փայլուն կարիերի մէջ պրօլետարիատը իր սեփական բնաշրջումն էր նախապես տեսնում, նրա սրաւը առաջնադասութեան ու վերելքի մէջ աշխատաւոր դասակարգը տեսնում էր իր սեփական ու յաղթական վերելքը, որ պիտի բերէր աշխարհին Սօցիալիզմի ու հաւասարութեան թագաւորութիւնը...

Այդտեղ է ահա նրա վիթխարի ժողովրդականութեան գաղտնիքը, այդ հանգամանքի շնորհիւ է, որ նա ձեռք բերեց մասսաների վրայ մի այնպիսի ազդեցութիւն, որպիսին չի ունեցել ոչ մէկը իր նախորդներից ու ժամանակակիցներից, որպիսին չունի անգամ սօցիալիստ հռետորներից ամենաշքեղը և ամենագիտնականը — Ժան Ժոռէսը: Իրաւ է, սակայն, միջավայրի ու ցեղային խառնածոների ուշագրաւ տարբերութիւնը կայ... Բէթելին աւելի դիւրին էր ստեղծել կուռ ու հնազանդ մի բանակ գերմանական կարգապահ ու հեղինակապաշտ ժողովրդի մէջ, քան Ժոռէսին Ֆրանսիայում, ուր համեմատաբար թոյլ է երամական բնազդը, թոյլ է և դիսցիպլինը, կարգապահութիւնը, ուժեղ են դրա հակառակ ըմբոստ ու անարշիկ, անհասապաշտ բնազդները:

Անշուշտ, գերմանական պրօլետարիատի խանգաւառ պաշտամունքը դէպի Բէթել չի բացատրւում սոսկ նրանով, որ վերջինը նրա հարազատն էր, որ դիուռքը՝ շինւած էր պրօլետարական միս ու արիւնից: Շատ շատերն են առաջ եկել և գալիս են շարունակ նոյն պրօլետարիատի շարքերից, շատ շատերն են փորձում իրենց ուժերը քարոզչական կարիերի մէջ, բայց չեն հասնում երբեք Բէթելի ժողովրդականութեան, չեն դառնում կուռք: Պէտք է դրա համար արտակարգ անհասականութիւն, պէտք են արտակարգ կարողութիւններ — ոչ միայն մտաւոր, այլ և բարոյական: Բէթել ունէր թէ մէկը և թէ միւսը:

Խառնածրով անպայման յեղափոխական, բնաւորութեամբ շիտակ, համեստ, ուղղամիտ՝ հեռու սին *démagogie*-ի հովերից, անկեղծօրէն ու ամբողջապէս ն իրւած իր մեծ դատի շահերին—սօցիալիստ պարագլուխը ունէր դրա հետ և մի հզօր ու լափող կիրք—նայնքան հզօր՝ Սիրոյ, որքան և տեղութեան մէջ Նրա ջերմ ու քնքայն սէրը դէպի տանջող ու աշխատաւոր դասակարգը, ծնունդ էր նրա մէջ տեղութիւն դէպի իշխող ու կեղծքից դասակարգերը, դէպի ժամանակակից կապիտալիզմի սիստեմը, որ այնքան չարիքներ ու ոճիրներ է նիւթում անանկ ու իրաւազուրկ պրօլետարիատի համար, որ նրա ձեռքով արաւորում է բուրաւոր հարստութիւններ, որոնք սակայն բաժին են մնում կեղծքից փոքրամասնութեան:

Որքան աղնիւ ու վեհանձն էր սօցիալիստ առաքեալը իր սիրոյ մէջ, նոյնքան աղնիւ ու վսեմ էր տեղութեան պոռթկումների մէջ: Մինչև վերջ մնաց նա անհաշտ, ոխերիմ թշնամի կապիտալիստ - բուրժուական սիստեմի և մինչև վերջ խանդավառ ու լաւատես գուշակող ապագայ սօցիալիստական իրաւակարգի: Մինչև վերջ—պրօլետարիատի «բուրմ»^{*)}, «իշխան» և մինչև վերջ—նրա մտերիմ ընկեր, ուղեկից և բախտակից:

Parteilicher!—«Կուսակցափար», հայերէն բառացի թարգմանութեամբ. կուսակցութեան ղեկավար, առաջնորդ. — այդ է Բէքէլի ամենամեծ, ամենահարգատ տիտղոսը. լիզեր, վարիչ՝ բառի բովանդակ ու լաւագոյն իմաստով: Գերմանական Սօցիալ-Դեմօկրատիան մէկ իսկական և կարելի է ասել գրեթէ միահեծան վարիչ է ունեցել—և դա Բէքէլն է: Երբ հնչում էր նրա հուժկու և ախորժալուր բարիտօնը հսկայական դահլիճներում, բազմութիւնը դառնում էր մարմնացած պատկառանք և ուշադրութիւն: Չայնը հնչում էր ընդհանրապէս միալար ու մօնօտօն, առանց խոշոր ելևէջների, բայց հնչում էր զօրաւոր, առնական շեշտերով. սուր, թափանցող աչքերը հմայում էին ունկնդրին. խօսում էր հոեւորը ընդհանրապէս անշարժ կայնած, մէկ ձեռքը գրպանի մէջ, միւս ձեռքի ցուցամատը ուղղած դէպի հակառակորդը կամ դահլիճի որեւէ անկիւն: Համակրելի ու գրաւիչ էր այդ ձայնը, չափազանց գրաւիչ ու ազդու էին նաև այդ զոյգ աչքերը՝ օրիգինալ, հազուագիւտ, փոքր ինչ մէֆիստֆելեան դէմքի վրայ:

Ճառերը միշտ խնամքով մշակած, պատրաստած էին և միշտ էլ փաստացի ու բովանդակալի — *sachlich*, առանց աւելորդ ռէտօրիկի: Բէքէլեան ձառերը Ռայխստագի մէջ մի մի հրահանգից տաննախօսութիւններ էին. ահագին էր հոեւորի յիշողութիւնը, ահագին՝ նիւթի, փաստերի—և ամենաայլազան փաստերի—պաշարը նրա գլխի մէջ: Այդ էր, որ ազդում էր հակառակորդների վրայ և յաճախ ջղաձգութիւններ էր պատճառում ամենակարող Բիսմարկին:

Ահա թէ ինչու «պառաւ առիւծը» մի կատարեալ իշխանութիւն էր հաստատել իր միլիօնաւոր հաւատացեալների սրտերում: Նրա փորձառութիւնն ու հեղինակութիւնը սօցիալական խնդիրների աշխարհում այնքան մեծ էր, որ նրա առջև յաճախ խոնարհւում ու տեղի էին տալիս անգամ կուսակցութեան գիտնական վարդապետները—Վաուցկի, Բերնշտայն և այլն: Ժողովուրդը, մասսան Բէքէլի հետ էր միշտ,—ինչ վճիռ էլ ընդունէին կուսակցական համաժողովները: Գաղափարային մեծ բաղխումների ու կրիզների ընթացքում պրօլետարիատը երբեք չէր զատւում իր Բէքէլից և պաշտպանում էր միշտ նրա կողմը: Այդ պատճառով և մեծ ու սկ էր Բերնշտայնների համար՝ Բէքէլի հակառակ դիրք բռնել: Դրէզդէնի յիշատակելի պարտախաղը (1903 թ.-ի Կուսակցաժողովը) ցայտուն կերպով վերահասեց ամբողջ Գերմանիայի և աշխարհի առաջ Բէքէլի ահեղ ու ճնշող հեղինակութիւնը:

Այդ մարդուն շատերը գիտեն, իբրև անհաշտ ու մոլեռանդ մարքսիստի, իբրև դասակարգային պայքարի նեղ, դժբաղնիւս և տարամբժ առաքեալի: Միանգամայն սխալ կարծիք: Ուղղափառ մարքսիստ էր նա խօսքով միայն: Ընդունում էր, հարկաւ, մարքսեան վարդապետութեան ընդհանուր դրութիւնները, բայց և միանգամայն հեռու էր դասակարգային պայքարի այն ըմբռնումներից, որ քարոզում էին մի շարք ֆանատիկոս մարքսապաշտներ: Նա նախ և առաջ գործնական մարդ էր և «թէօրիան» երկրորդական արժէք միայն ունէր նրա աչքում: Նրա ուժեղ և ըմբոստ անհատականութիւնը չէր կարող ընդունել կուրօրէն մի շարք «ճշմարտութիւններ», որոնց դարձրել էին մի տեսակ «հաւատոյ հանգանակ», որոնք սակայն չէին համապատասխանում իրականութեան, չէին բղխում նրա պահանջներից: Գեռ բոլորովին երիտասարդ էր, երբ — 60-ական թւականների վերջերում—ցոյց աւելց իր ըմբոստութիւնը մարքսեան պատրաստի «ֆորմուլներ» վերաբերմամբ: Վիլհելմ Լիբկնեխտ — մի այլ խոշոր սօցիալիստ առաքեալ, որ երկար տարիներ ապրել էր Լօնդօնում Մարքսի ու Էնգելսի ընկերութեան մէջ—եկել էր 60-ական թւերին Գերմանիա, չէզոքացնելու նոր սկսած լասսալեան շարժումը և պատուաստելու մարքսիզմը: Վիլհելմ Լիբկնեխտ կենտրոնացնում է իր քարոզչական ճիգերը նախ և առաջ Բէքէլի վրայ, աւանդում է նրան մարքսեան աւետարանը, ճգնում է մտցնել նրա ուղեղի մէջ բոլոր ուղղափառ ֆորմուլները: Նա յորդորում է բոլիւս անել հիւսիսային-գերմանական նոր պարլամենտը, փակել «բողոքող մեկուսացման» մէջ, հրաժարել առհասարակ պարլամենտարիզմից (մարքսիզմի այդ անիշխանական տեսակէտը յետագայում փոխեց, ինչպէս փոխեցին և զօգմի ուրիշ կէտեր *): Բէքէլ չհամա-

*) Տես այդ բոլորի մասին, ինչպէս նաև Բէքէլի սօցիալիստական տակտիկի մաքին՝ Մ. Վ. «Հոսանքներ»-ի մէջ:

կերպեց: Ընդունելով հանդերձ Կարլ Մարքսի որոշ գրու-
թիւնները, ընդունելով դրա հետ իր ուսուցչի, Լիբկ-
նեխտի, հեղինակութիւնը, —որին շուտով պիտի գերա-
զանցէր—նա մերժեց «հակապարլամենտական» տեսա-
կէաւը և որոշեց բուն կերպով մասնակցել ընտրու-
թիւններին ու պարլամենտի օրէնսդիր գործունէութեան
(1867 թ.), որով հնարաւոր էր փոքր ինչ նպաստել
տնտեսական ու քաղաքական ռեֆորմներին, յօգուտ աշ-
խատաւոր ժողովրդի Գնաց, իբրև աշխատաւորութեան
առաջին երեսփոխան, նորակազմ պատգամաւորական
ժողովը, որ մի բաւական խեղճ, ցենզաւոր հաստատու-
թիւն էր, բայց շուտով վերածւեց ընդհանուր համա-
գերմանական պարլամենտի, հիմնած ընդհանուր ձայ-
նաւորութեան վրայ: Եւ Բէքէլ բաշեց իր ետեւից—պար-
լամենտական, ռեֆորմային գործունէութեան մէջ — իր
ուսուցչին, կէս-մարքսիստ, կէս-անարխիստ Լիբկենխտին:

Քիչ յետոյ—մի մանրամասնութիւն է, բայց յատկա-
նշանական—Բէքէլ, խիստ ոգևորած Դիւրինգի կոմուն-
նիստական, ընկերավարաշունչ մի գրեածքով, առաջար-
կում է իր ուսուցչին՝ յանձնարարել գրեածքի ընթեր-
ցումը բանւորական շարքերին և գրել նրա առթիւ մի
յօդած կուսակցական օրգանի, «*Volkstaat*»-ի մէջ:
Լիբկենխտ մերժում է, առարկելով, որ Դիւրինգ յարձա-
կումներ է գործում Մարքսի ու նրա մեթօդի վրայ:
Բէքէլին դուր չէ գալիս այդ պատասխանը. «Թող
կորչի—ասում է նա — այդ մեթօդը, եթէ գրեածքը
լաւ բան է» (*Ich pfeife auf die Methode* *), *wenn
die Sache gut ist*).

Եւ նա ինքը գրեց յօդած Դիւրինգի բրօշուրի մա-
սին, ու հակառակ Լիբկենխտի ցանկութեան, զետեղեց
կուսակցական օրգանի մէջ:

Անկախութեան ու գործնական ողջմտութեան այդ
գիծը յարատեւեց գործիչի ամբողջ կեանքի ընթացքում.
և որքան էլ մարքսիստական ուղղափառութիւնը հռչակէ
Բէքէլին իբրև կարմիր, յեղափոխական, «կատասարօ-
ֆային» ըմբռնութեան ներկայացուցիչ, որքան էլ զար-
դարեն նրան դասակարգային, «պրօլետարական ջինջ,
տարածութ պայքարի» ֆորմուլներով, — իրողութիւնը
մնում է այն՝ որ Բէքէլ գերազանցապէս էւօլիւ-
ցիօնիստ ու ռեֆօրմիստ էր (աստիճանական
և բարենորոգչական) իր աշխարհայեցութեամբ ու գոր-
ծելակերպով, որ նա ի հարկին մտել է յաճախ կոմպ-
րոմիսի, իրաւախոհութեան մէջ ոչ-պրօլետարական կու-
սակցութիւնների հետ, կոչ է արել բուրժուա-աւանդա-
վար հատուածների աջակցութեան—ռեֆորմների գործը
փութացնելու նպատակով—մի տակտիկ՝ որ լաւագոյնն
է, միակ ընդունելին արեւմտեան սահմանադրական
երկրներում, մի տակտիկ՝ որին հետեւել ու հետեւում
են բոլոր պարլամենտական երկիրների սօցիալիստ կու-

սակցութիւնները, իրողութիւնն այդ է, մնացածը սոսկ
յեղափոխական ֆրազաբանութիւն է, որով մերթ ընդ
մերթ այդ համեստ մարքսիստ բարենորոգչականները
փորձում են վախեցնել բուրժուազիային:

Անհաշտ դժբաղդներ էր Բէքէլ, իրաւախոհութեան,
կոմպրոմիսի կողմնակից էր նա և ներքին, կուսակցական
կեանքի մէջ: Դրեզդէնի պարտայտագից յետոյ... եկաւ
Մանհայմի համաժողովը: Երբ Բէքէլ տեսաւ, որ այս-
պէս կոչւած «ռեվիզիօնիզմի» հոսանքը միշտ աւելի և
աւելի հզօր ծփանքով շեշտուում է կուսակցութեան
լայն խաւերում, երբ տեսաւ, որ այդ ռեվիզիօնիստ-
ների *) և այսպէս կոչւած «յեղափոխականների» միջև
անդունդը միշտ աւելի և աւելի լայնանում է, սպառ-
նալով նետել կուսակցութիւնը անդամանելի տագնապ-
ների մէջ, հմուտ ու խոհական կուսակցապետը փոխեց
ֆրօնտը, թողեց իր երբեմնի «տարածութ» ընթացքը,
մոռացաւ Դրեզդէնի իր շանթոս բանադրանքները և
տարած կուսակցութեան միութիւնն ու ամբողջութիւնը
պահպանելու մտահոգութեամբ՝ յարմարեց նոր կա-
ցութեան պահանջներին, դիմեց հաշտարար քաղաքա-
կանութեան, մերժեց ոմանց առաջարկը խմբովին հրա-
ժարեցնելու մի շարք ռեվիզիօնիստների և գտաւ հաշ-
տեցնող ֆորմուլներ կուսակցութեան ձախակողմի ու
աջակողմի միջև:

Իր կեանքը—կուսակցութեան կեանքն է: Հետեւել է
այդ կուսակցութեան էւօլիւսիօնին, սկսած նրա օրօրոցից
մինչև այսօր, երբ գերմանական Սօցիալ-Դեմոկրատիան—
մասամբ նոյն Բէքէլի ջանքերով—դարձել է աշխարհի
ամենաբազմամարդ, ամենահոյակապ կազմակերպութիւնը,
մի կուռ ու կարգապահ մարմին, որ թէպէտ և իր
ահագին թւի համեմատ չունի յեղափոխական կրակ ու
ինիցիատիվ, բայց կոչւած է ծանրակշիռ դեր խաղալու
Եւրոպայի ապագայ վերիվայրութեան մէջ:

Ի՞նչ յուզիչ սկզբնաւորութիւն վաթսուական թա-
կաններում... Ս'ի վտիտ, թուլակազմ երիտասարդ, չմի
խղճուկ արհեստաւոր, զաւակ թշուառ ընտանիքի, կորց-
րած իր հարազատ մայրը՝ տակաւին մանուկ հասակում,
տանջւած խորթ մօր և բիրտ զինւորական հօր ձեռքե-
րում, մատնւած վաղաժամ ի սաստ կեանքի հողմերի,
կուրծքը արդէն մշակւած սարսափելի միկրօբներով, բե-
րանը արիւն թթելիս... Եւ այդ թշուառ ու լքւած
էակին—ճակատագրի մի զարմանալի և զմայլելի խաղով—
վիճակւած էր դառնալ, մի բանի տասնեակ տարիներ
յետոյ, այն հսկայ կաղնին, որ այսօր իր փարթամ,
լայնարձակ ճիւղաւորութեամբ ծածկում է ողջ Գեր-

*) Բառացի. «եո սուլում եմ այդ մեթօդը»...

*) Բարենորոգչական չափաւոր հոսանքը, որ մկրտւած է
Բերնշտայնի անունով:

մանիան և որի անունը հիացմունքով ու երախտագիտութեամբ են արտասանում միլիոնաւոր մարդիկ՝ նաև գերմանական հայրենիքից դուրս, աշխարհի բոլոր ծայրերում...

Նւիրել բանւորական դատին, իր հարազատ գասակարգի դատին — այս էր նրա երազը, իդէալը՝ դեռ գրեթէ պատանեկան հասակում։ Լասսալ սկսել էր արդէն իր սօցիալիստական գործունէութիւնը, անօրինակ որոտներով ու շանթերով. քա)ց Լասսալ մի մէթէօր էր, որ սրարշաւ զարնեց ու անցաւ *), նրանից յետոյ մնում էր մի փոքրիկ կազմակերպութիւն բանւորների մէջ։

Բէքէլ չէր էլ սիրում Լասսալին, Բիսմարկի հետ ունեցած նրա բանակցութիւնների պատճառով։ Նա երկար տարիներ աշխատեց Լայպցիգում, լասսալեաններից դուրս, ուրիշ բանւորական շրջաններում աշխատեց նախ իբրեւ սոսկ ռաւկալարական, ապա դարձաւ սօցիալիստ։ Եւ երբ Լիբկնեխտ եկաւ Լօնդօնից ու մկրտեց նրան մարքսիզմի աւագանում, այնուհետեւ երկու մեծ գործիչները — Բէքէլ և Լիբկնեխտ — իբրեւ անբաժան ու սիրող ընկերներ, առաջ տարան միասին տասնեակ տարիներ շարունակ, իրենց բեղմնաւոր բարոյական աշխատանքը **):

Երկու ընկերներին մենք տեսնում ենք 1871-ի համագերմանական առաջին պարլամենտի մէջ, իբրեւ զոյգ ներկայացուցիչներ աշխատաւոր դասակարգի կատարել էր մեծ, պատմական անցք։ Գերմանիան արիւնալի ջարդ էր տւել Ֆրանսիային, Նապօլէօն III գերի էր բռնւել Սեդանում և Բիսմարկ գնում էր յափշտակելու Էլզաս-Լոտարինգիան։ Պէտք էր բողոքել այդ բռնութեան ու անիրաւութեան դէմ, պէտք էր հնչեցնել սօցիալիզմի ու խաղաղասէր աշխատաւորութեան ձայնը։

Պէտք չէր թող տալ, որ տեղւոնեան բիրտ հարւածների տակ արիւնոտէր ու մահանար դիւցազնական Ֆրանսիան, Մեծ Յեղափոխութեան որորանը, Ռօբեսպիէի ու Դանտոնի հայրենիքը։

Եւ երկու ընկերները ամբիօն բարձրացան Ռայխստագի մէջ։ Վայրկեանը ահագորէն հանդիսաւոր էր։ Ամբողջ Գերմանիան արթած, գինովցած, Բիսմարկի գովքն էր անում։ Ըօփինիզմը յորձանք էր տալիս գերմանական բոլոր նահանգներում, բուրժուա և պրօլետար, հարուստ և աղքատ, բոլորն էլ արամագրւած էին յօգուտ Պրուսիայի և ընդդէմ Ֆրանսիայի։ Ռիսկը մեծ էր, ահագին։ Բէքէլ և Լիբկնեխտ գրեթէ մենակ էին իրենց արբշիւ ու զառանցող հայրենիքում։ Այնուամենայնիւ, բեմ ելան։ Եւ արտասանեցին Բիսմարկի ու ամբողջ իշխող, պատերազմիկ դասակարգի դէմ մի ահարկու մեղադրական, առան իրենց պաշտպանութեան տակ Ֆրանսիային և

բողոքեցին Էլզաս-Լոտարինգիայի գրաւման դէմ։ Ամբողջ Ռայխստագը ոռնում էր երկու սօցիալիստ առաքեալների դէմ, նախագահական զանգը անընդհատ ղողանջում էր, պարլամենտի մէջ և դուրսը հրապարակում բռնեցքներ էին բարձրանում Բէքէլի ու Լիբկնեխտի դէմ, մահաւն վտանգն իսկ իրենց աչքերն էին առել երկու բողոքող սօցիալիստները։

Վերջացաւ պատմական նիստը, սօցիալիստների այդ վսեմ, անօրինակ ժեստը ուժգին արձագանք գտաւ ամբողջ աշխարհում։ Իրենց հայրենիքում այնուհետեւ հալածական՝ բողոքողները արժանացան ամբողջ մտածող Եւրոպայի, մասնաւորապէս դժբախտ, ուսնահարւած Ֆրանսիայի համակրանքին ու երախտագիտութեան։

Բիսմարկ չմարսեց սօցիալիստական յանդուգն ապտակը և հրամայեց բանտ նետել երկու խիզախներին։ Հառաչալի դատաւարութիւն Լայպցիգի մէջ, *„Hochverrat!“* բառով որակեցին քաղաքական ոճիրը։ — *„Դաւաճանութիւն ընդդէմ պետութեան“*։ Բէքէլ և Լիբկնեխտ դատապարտեցին երկու տարւայ բերդարգելութեան։

Բանտային կեանքը օգնեց Բէքէլին, վնասելու տեղ։ Նրա առողջութիւնը համեմատաբար կազդուրեց, փրկւորուն մարմինը շտկեց, իսկ հոգին... աւելի ևս վառեց ըմբոստութեամբ։ Երկու ընկերները — ուսուցիչ և աշակերտ — գրեթէ միշտ մնացին մէկ խուցի մէջ։ Լիբկնեխտ օգնեց Բէքէլին՝ լրացնելու կրթութեան պակասը, սովորեցրեց լեզուներ, աւելացրեց մտաւոր պաշարը։

Եւ ապագայ լիդերը դուրս եկաւ բանտից աւելի ուժեղ՝ թէ մարմնով և թէ մտքով, աւելի պատրաստ ու ձեռնհաս՝ սօցիալական մեծ պայքարների համար։ Այնուհետեւ, Բէքէլ գեռ մի քանի անգամ ևս բանտ նետեց՝ *„նորին Մեծութեանը“* վիրաւորանք հասցնելու պատճառով։ Ընդամենը մօտ 5 տարւայ բանտային կեանք, որ խոշոր բան է արեւմտեան յեղափոխականի կեանքում։

Բանտը աճեցրեց և Բէքէլի հմայքը ժամանակը առաջ սահեց, ջօփինիզմի ու ռազմի տենդը կամացկամաց մեղմացաւ. գերմանական ժողովուրդը սկսեց գնահատել և սիրել իր երկու մեծ հարազատներին ու բարեկամներին։ Բէքէլ և Լիբկնեխտ առաջ գնացին միշտ թե թեւի, միշտ սօցիալիզմի աւետարանը արծարծելով։ Նոր-նոր ուժեր զինւորագրեցին բանակն աճեց։ 1878-ին նոր աղէտ հասաւ. Բիսմարկ, ամենագոր կամայապետը, սարսափած ընկերվարական գաղափարի ընդարձակ նաւաճումներից՝ հրատարակեց ծանօթ *„սօցիալիստական օրէնքներ“*, որով սօց. - դեմ. կազմակերպութիւնները ցրեցին, քայքայեցին, ընկերվարական թերթերը խափանեցին, կլուսներ, ժողովատեղիներ փակեցին, խափանեց մի խօսքով, սօցիալիզմի լէգալ, օրինական պրօպագանդը։ 12 տարի իշխեց այդ դրականեան օրէնքը։ Հարժուժը դրանով չխեղդեց, հարկաւ նա անցաւ


*) 1864-ին նա, դեռ բողոքովին երիտասարդ՝ սպանեց ժընէվի շրջակայքում, մենամարտի մէջ։

**) Լիբկնեխտ մեռաւ 1900-ին։

գեանի տակ Պրոպագանդը մզեց գաղտագողի, բայց անդուր Ընկերվարական օրգանները սկսեցին լոյս տեսնել արտասահմանում (գլխավորապես Շվեյցարիայում)։

Եւ երբ 1890-ին, նոյն Բիսմարկը, դրզւած ժամանակի ու հանրային առաջագիմութեան պահանջներից, վերացրեց բռնապետական ռեժիմների ծնունդ օրէնքները, Բէքէլ և Լիբկնիխտ տեսան իրենց առջև սօցիալիստական գիտակից աշխատաւորութեան ահաբեկ վաշտեր, մի հարուստ ու յորձանուա տնտեսական կեանք, մի չափազանց պարարտ գետին սօցիալիզմի պրոպագանդի համար։

Թափով նետուեցին յորձանքի մէջ, հիմնեցին ամենուրեք թերթեր ու տպարաններ, ոյժ տւին պարլամենտական գործունէութեան իւրաքանչիւր ընտրութեանը՝



Լ ի ք է լ Ե խ ո

աւելանում էր սօցիալիստ պատգամաւորների բանակը Ռայխստագի մէջ, իւրաքանչիւր մի ճառ պարլամենտական ամբիօնից, իւրաքանչիւր մի բրօշիւր սօցիալիստական տպարանից գրուում էր հարիւրաւոր ու հազարաւոր պրօլետարներ. 45 տարի առաջ Բէքէլ մենակ էր պարլամենտի մէջ, իսկ այսօր, նրա մահւան օրը, սօցիալիստ նպատգաւորների թիւը Ռայխստագի մէջ հասնում է 111-ի *), իսկ սօցիալիստ ընտրողների թիւը կայսրութեան մէջ՝ չորս ու կէս միլիօն։ Քառասունէ հինգ տարւայ ընթացքում — այդքան տարածութիւն...

Սրանից մի 20 տարի առաջ, երբ Ռայխստագում բորբոքւել էր պատմական բանակութիւնը «ապագայ սօցիալական կարգերի» մասին **), երբ բուրժուական

մեծամասնութիւնը, գլուխ ունենալով հռչակաւոր (այժմ նոյնպէս հանգուցեալ) Օյգեն Ռիխտերին, սպառնալից պահանջում էր բացատրել սօցիալիզմի ծրագիրներն ու նպատակները, պարզել նրա ապագայ պետութեան ձևն ու էութիւնը, և երբ ամբողջ մտածող Եւրոպան ուշի ուշով հետեւում էր Բերլինի անօրինակ ըմբշմարտին, գերման սօցիալ-դեմոկրատիան գարձեալ հրապարակ էր նետել իր երկու լաւագոյն մարտիկներն ու հռետորները — Բէքէլ և Լիբկնիխտ Սմենի ուշագրութեան կենտրոնն էր Բէքէլ, որ և արտասանեց լաւագոյն ճառը, խօսեց մի բանի ժամ, խարանց կապիտալիստական ռեժիմի տարկանոնութիւնները և ուրուագծեց գալոց ընկերվարական «իրաւակարգը», ճշմարիտ ժողովրդապետութիւնը, առանց, սակայն, ծանրանալու այդ ապագայ ռեժիմի մանրամասների վրայ, որ ոչ մի բանական էակ ճշտել այժմից չի կարող։

Այնուհետեւ, դարձեալ ամեն անգամ, երբ որեւէ հանգիսաւոր առիթ էր ներկայանում, կուսակցութիւնը միշտ առաջ էր բռնում Բէքէլին։

Վերջին տարիներս մեծ գործիչը, տկարութեան պատճառով, խիստ սակաւ էր բարձրանում Ռայխստագի ամբիօնը։ Եւ իր հազւագիւա երևումով՝ աւելի ևս մեխում էր իր սուր հայեացքի և ճերմակ գլխի վրայ ընդհանուրի ուշագրութիւնը, և ծերունի վճտերանի իւրաքանչիւր խօսքը սլաքի պէս թափանցում էր բոլորի մէջ՝ հակառակորդների, թէ համախոհների, Հինգ տարի առաջ Վիլհելմ II-ի մի բացբերան, ձախողակ յայտարարութեան պատճառով՝ գերմանիան փոթորկւել էր ծայրէծայր և անգամ բուրժուա-կղերական կուսակցութիւնները բարձրաձայն յանդիմանութեան ու ցասումի խօսքեր էին նետում կայսրին։ Խնդիրը դրեց պարլամենտի մէջ։ Եւրոպան դարձեալ աչքերը յառեց դէպի Բերլին և դարձեալ Բէքէլն էր, որ բարձրացաւ Ռայխստագի ամբիօն՝ արտայայտելու ժողովրդական ցասումը, նշաւակելու թեթեւամիտ վեհապետին, որ խաղում էր մի մեծ ազգի ճակատագրի հետ...

Բէքէլ ներկայ էր մի ուրիշ առթիւ, երբ «բարձր», օգոստափառ հրամանատարների աշխարհում նորէն լսւել էր մի արտառոց «յայտարարութիւն»։ Այս անգամ թագաւորը չէր, այլ նրա որդին, քսանամեայ գահաժառանգը՝ նա արտասանել էր հրապարակային մի ճառ, խօսել էր սօցիալիստների մասին և անւանել նրանց՝ «թշուառականներ»։ սօց-դեմօկ. կուսակցութիւնը — թշուառականների կուսակցութիւն, 1903 թ. յունւար 22-ն էր։ Ռայխստագի մէջ — ալեկոծութիւն, իրարանցում։ Սպասում են Բէքէլի ճառին։ Parteileiter-ը, արդարեւ, այնտեղ էր և նրա աչքերը փալաւաւում էին բարկութիւնից։ Մի ողորմելի լաճ — թէկուզ և թագաժառանգ — յանդգնել էր վիրաւորել աշխատաւորական մեծ կուսակցութիւնը, ձեռնոց նետել

*) Ռայխստագի բոլոր պատգամաւորների թիւն է 397։

**) Գերմաներեն — *Zukunftstaatsdebatten*. Մի չափազանց հետաքրքրական դօկումենտ է, հրատարակած առանձին գրքով։

ժողովրդական դատի ազնւագոյն ռազմիրաներին: Պէտք էր բարձրացնել ձեռնոցը, և Բէքէլ արտասանեց իր կլասսիկ ճառերից մինը, կծու, հեգնախառն շանթերով անմոռանալի դաս տւեց օգոստափառ ֆանֆարօնին: Ահա մի կտոր այդ ճառից, որ լաւագոյնը չէ.

... Հիմա տեսէք, պարոններ—դիմում է Բէքէլ Ռայխս-տագին—բաւական չէ, որ թագաւորն է մեր դէմ խօսում, այժմ էլ իր աղան է, գերման կայսրութեան թագաժառանգը: Այդ քսանամեայ երիտասարդ պարոնը հրապարակ է գալիս և խօսում է մեր կուսակցութեան մասին, իբրև թշուառականների կուսակցութեան (բուռն ծիծաղ և ծափեր): Ասացէք, խնդրեմ, ի՞նչ ծառայութիւններ է մատուցել այդ երիտասարդ պարոնը, ի՞նչ արժանաւորութիւններ ունի նա, որ գալիս է այդ տոնով խօսելու չգերմանական Սօցիալ-Դեմոկրատիայի մասին (փոթորկալի ծափեր ոսցիալ-դեմոկրատների և այլ ձախակողմեան շարքերում): Եթէ կուզեն անւանել մեզ թշուառականների կուսակցութիւն—ա՛հ, մենք չենք էլ զայրանայ դրանից, ի վերջոյ այդ անունը կը գտնուի նախ քան որ մենք համար... Եւ գուցէ մեր առաջիկայ կուսակցաժողովը որոշէ, որ մենք այսուհետեւ անւանենք մեզ թշուառականների կուսակցութիւն: Գրանով և մենք նետում ենք ձեռնոցը պարոնի երեսին (բուռն ծափեր): Պարոններ, այդ երիտասարդը, որ մարդկային հաշուով դեռ բաւական ժամանակ ունի մինչև գահին տիրանալը, պէտք է գիտնար աւելի լաւ գործեր տեսնել, քան թէ խաղալ այժմից իսկ Գերմանական Սօցիալ-Դեմոկրատիայի կատաղի թշնամու դերը: Ուզում եմ ասել, որ այդ վարժուները նպատաւոր չի լինի նրա ապագայի համար, իբրև գայտց գերմանական թագաւորի: Որովհետև այն ժամանակ Սօցիալ-Դեմոկրատիան կարող է ա յ լ զիջքերի, ա յ լ ոյժ վատարկած լինել, քան այսօր և այն ժամանակ այդ երիտասարդ պարոնը գուցէ այլ ևս չի համարձակւի խօսել մեր մասին, որպէս թշուառականների...

Չանգը ձեռնին, նախագահը, կոմս Բալլեշարեմ, ներվոս ուշագրութեամբ հետեւում էր հետտորին, պատրաստ գողալու, օրէնքի անուանով կանգնեցնելու և կարգի հրաւիրելու, եթէ Բէքէլ անցնէր սահմանը, եթէ նա գործածէր որևէ անզգոյշ, հակապարլամենտական դարձաձու Բայց հին առիւծը, որ դողում էր զայրոյթից, հասցրեց հարածը, մնալով պատշաճ սահմաններում: Սօցիալ-դեմոկրատները բերկրանքի մէջ էին, աջակողմը ոռնում էր կատաղօրէն, դողում էին մինիստրները, դողում էր ամբողջ Ռայխստագը, որ իր գոյութեան ամենագրամատիկ վայրկեաններից մէկն էր ապրում...

Այժմ նա մի բուռն մոխիր է, գոցած փոքրիկ արկղի մէջ, ամփոփւած Յիւրիխի կրակարանում... Սարսափեցնող ունայնութիւնը կեանքի... Ընկերները, բարեկամները և հեռաւոր գաղափարակից լէգիօնները համակած են անհուն վշտով: Բայց և ո՞րպիսի մխիթարութիւն: Այդ մի բուռն մոխիրը այսուհետեւ էլ, իբրև կենդանի, լուսեղէն հնոց, պիտի շարունակէ ճառագայթել պայքարող ու ազատատենչ մարդկութեան վրայ:

Ի՞նչ հոյակապ թաղումն էր... Յիւրիխը, գուցէ ամբողջ Շվեյցարիան չէր տեսել այդպիսի օր իր դարաւոր պատ-

մութեան մէջ: Նա տեսել էր անցեալ աշնան գերմանական կայսրի և իր շքախմբի հանդիսաւոր թափօրները, որ գրաւել էին երկրի բոլոր ծայրերից հսկայական բազմութիւն: Բայց այդ բազմութիւնը կրկնապատիկ էր Բէքէլի յուզարկաւորութեան օրը. — այդպէս են վկայում անգամ պահպանողական մեծ թերթերը: Ի՞նչ կը լինէր հապա, եթէ թաղումը տեղի ունենար Բերլինում...

Հարկը հազարաւոր ուխտաւորներ և ամբողջ քաղաքը ամենապատկառոտ լուռութեան մէջ մասնակցում էին անզուգական թափօրին: Պատգամաւորներ բոլոր քաղաքակիրթ ազգերից, գոյնզգոյն անհամար դրօշակներ և պսակների ու ծաղկեփունջերի մի ծով... Տեսարանը եղակի է. սօցիալիստական առաքելի մահը չէ դա, այլ ապօթեօզը, աստածացումը. սօցիալիզմի կորուստը չէ դա, այլ նրա պանծալի յաղթանակը: Պսակներ—անգամ բուրժուա-առավար մի շարք հաստածների ու հաստատութիւնների կողմից. գերմանական Ռայխստագն անգամ, ի դէմս իր նախագահի, մասնակցում է սգահանդիսին ցաւակցական իր հեռագրով և իր հոյակապ պսակով, որ փուած է Բէքէլի ուղեբերի տակ: Ծաւակցական հեռագիրները աշխարհի բոլոր ծայրերից—անհաշիւ... Ապա և — ճառերը դադարի վրայ, տասնեակ հազարաւոր սօցիալիստական պարագլուխների սրտաշարժ դամբանականները և մանաւանդ Ադլերի—այդ միւս աւերակ ու մերձիմահ հսկայի—սասանեցուցիչ «մե՛ս բարեւ»...

Ապա... կրակը ճարճատեց—և խօսքի ու գործի տառանից մնաց այն մի բուռն մոխիրը:

Դժուար է մեզ, համեմատաբար երիտասարդներին—որ գտնւել ենք այդ մեծ ու փայլուն անհատականութեան թողքի տակ, որ սնւել ենք վաղեմի օրերում նրա գրքերով ու յօդաւանդով, լսել ենք խանդավառութեամբ նրա ճառերը և յուզւել ու ներշնչւել նրա առնական իդէալիզմով — դժուար է մեզ հաշուել այդ մահւան գաղափարի հետ:

Ուղիղ գրեթէ քսան տարի է, ինչ տակաւին նորեկ, եւրոպայում, առաջին անգամ մեր կանցններին հնչեց այդ թողիչ անունը—Աւգուստ Բէքէլ: Երիտասարդ, յափշտակող, գաղափարական անունդի ծարաւ մեր սրտերը այնքա՛ն շուտ մտերմացան այդ անւան ու այդ հզօր գործիչի հետ, որ հանդիսանում էր ազատագրական մեծագոյն առաջամարտիկներից մինը համաշխարհային պատմութեան մէջ, մի անսովոր մարդ, որ խօսքի ու գրչի արեւսաին միացնում էր և բանտային մի գրաւիչ էպօպէա, որ առօրեայ իրապաշտ մտահոգութիւնների, ռէֆօրմային մանր, դրական աշխատանքի շրջանակներից գիտէր յաճախ դուրս նետւել և իբրև գուշակ, մար-

գարէ նայել դէպի ապագան, կարգաւ գալոց դարերի մշուշի մէջ, ընդնշմարել այնտեղ սօցիալական վարդապոյն երազների իրականացումը, ազդարարել անխուսափելի գալուստը մեծ, արիւնոտ, համաշխարհային «կառաստրօֆի», երբ պիտի խորտակին միանգամ ընդմիշտ հէգ, բաղմատանջ մարդկութիւնը կաշկանդող շղթաները, պիտի ջնջին բոլոր չարաշուք անջրպետները, որ բաժանում ու կտրատում են մարդկային հասարակութիւնները տարբեր, հակամարտ դասակարգերի, պիտի խորտակի կապիտալիստական ոճրանիւթ շէնքը աշխատաւոր պրօլետարիատի բուռն ու յաղթական գրոհի տակ և նրա արիւնոտ փլատակների վրայ պիտի կառուցւի, վերջապէս, հաւասարութեան, եղբայրութեան և ճշմարիտ երջանկութեան թագաւորութիւնը:

Եւ իմ ու ընկերների առաջին ընթերցագիրքը ուսանողութեան առաջին օրերում, գերմանական երկնքի տակ, այն չէր, ինչ որ յայտարարել էր համալսարանի պրօֆէսորը, այն չէր, ինչ որ պաշտօնական գիտութիւնը մեծարում էր, փառաբանում, այլ այն գողտրիկ հատորը, որ տեսել էր մի քանի տասնեակ տպագրութիւն, որ թարգմանել էր բոլոր քաղաքակիրթ և նոյնիսկ մի շարք կիսաքաղաքիրթ լեզուներով, որ մրցում էր Աւետարանի հետ, որ գրած էր և այնքան սահուն և մատչելի գերմաներէնով. դա Բեքէլի հռչակաւոր աշխատութիւն էր—*Die Frau und der Sozialismus*, «կինը և սօցիալիզմը»:

Առաջին անգամ տեսայ իմ փայփայած հերոսին 1896-ի ամառը Լօնդօնում, ուր տարել էի «Դաշնակցութեան» մի յիշատակագիրը Միջազգային սօցիալիստական համաժողովին ներկայացնելու Hyde Park-ի, աշխարհի մեծագոյն պարտէզի մէջ համախմբել էր Լօնդօնի հարիւր հազարաւոր պրօլետարիատը և անթիւ օտարականներ եկել էին լսելու եւրոպական սօցիալիզմի ամենափայլուն հռետորներին:

Բազմաթիւ ամբիօնները տեղաւորած են ինչպէս միշտ, իրարից հեռու, պարկի ահագին տարածութեան վրայ ծօռէս տակաւին նոր էր սկսել իր կարիերը, նրա անունը դեռ քիչ էր յայտնի այն ժամանակ—և Հայդ Պարկում ամենամեծ բազմութիւնը ծօռէսի ամբիօնի շուրջը չէր, այլ Բեքէլի:

Հենց այն վայրկեանին, երբ հռետորները պիտի բարձրանային իրենց ամբիօնները, մի կատաղի հողմ անցաւ վիթխարի պարկի վրայից, աեղաց Լօնդօնում չտեսնւած անձրևի տարափ: Բեքէլ առաւ անձրևակալը և ելաւ բարձր պատանդանի վրայ:

«*Partei-und-Kampfs-genossen!*», սկսեց նա իր սիրեցեալ բառերով *) և իր հնչեղ, որոտուն բարիտօնով... Մոռացանք հողմ ու անձրև, խոնկեցինք ու սեղմեցինք հռետորի շուրջը: Այդտեղ էր լօնդօնաբնակ գերման

պրօլետարիատը, այդտեղ էին բազմաթիւ ուսու լեհ էմիգրանտներ, բայց այդտեղ էր և անգլիացի պրօլետարիատը, որ չէր հասկանում Բեքէլի լեզուն, և այնուամենայնիւ ծափահարում էր խանդավառութեամբ, ծափահարում էր իրեն օտար և հարազատ առաքելին, որ անշուշտ իր սեփական, պրօլետարական ցաւերից էր բառբառում այդ հողմի ու անձրևի մէջ և մոլեգնօտ աչքերով կայծակներ էր արձակում համաշխարհային կապիտալիզմի ու բռնութեան դէմ:

Եւ մի ամբողջ շաբաթ Կօնգրէսի ուշագրութեան կենտրոնն էր—Բեքէլ:

Այնուհետև տեսնում ենք նրան գրեթէ ամեն երեք տարի, միջազգային կօնգրէսներում: Կօպենհագ չէր եկել: Այն հսկայ և աննման թափօրներում, որ կազմակերպել էր դանիական սօցիալիզմը իր սիրուն մայրաքաղաքում և որի թողած տպաւորութիւնը անջնջելի կը մնայ բոլոր կօնգրէսիստների սրտերում,—այդ իմպօզանտ տեսարանի և սօցիալիստական այդ հանդիսաւոր խրախճանների մէջ մի բան, սակայն, պակասում էր. Բեքէլ բացակայ էր, «ծեր առիւծի» անունը բոլոր շրթունքների վրայ էր: Հարցնում եմ Վառցկուն... — «Ոչ, չի գալու, պատասխանում է տխրութեամբ սօցիալիզմի հռչակաւոր թէօրետիկոսը, որ մի քնքոյշ, որդիական սէր էր տածում դէպի Բեքէլ. ոչ, այսուհետև նա քիչ կ'երևայ հրապարակի վրայ, սրտի հիւանդութիւնը լուրջ է, մենք խնայում ենք նրան... *Wir schonen ihn!*»:

Վուսակցութիւնը, յիշաւի, գուրգուրանքով էր պահում նրան, խնայում էր այդ փերուն ու թանկագին գոյութիւնը, որ հասել էր իր վեցջաւոյսին, ուզում էր, որ նա ապրի բացարձակ անդորրութեան մէջ, չլարէ իր ուժերն ու նիարդերը, չփոթորկւի այլ ևս բաղաբական պայքարների լօզունքներով: Բեքէլ համակերպել էր, ապրում էր մեծ մասամբ Շվեյցարիայում, իր լուռ մեկուսացման մէջ, ապրում էր որպէս փակւած նժոյգը իր սանձը կրծոտելիս... գրում էր իր հարուստ ու ալէճուփ գործունէութեան յուշերը: Սակայն, մեծ ագիտաւորը միշտ չէր հնազանդւում Վուսակցութեան հրահանգին. ազնիւ կիրքը շարունակում էր լսփել նրա յաւերժօրէն թարմ, երիտասարդ հոգին և նա մերթ ընդ մերթ դուրս էր նետւում իր ազամայ կղզիացումից և սլանում դէպի պարտականութեան դաշտը: Մենք տեսնում ենք նրան մի տարի առաջ Վիեննայում, Վիկտոր Ադլերի 60-ամեակի առթիւ սարքւած մտերմական հանդէսին, տեսնում ենք քիչ յետոյ Բազելի միօրեայ սօցիալիստական համագումարին, ուր նա արժանացաւ բուռն, չտեսնւած օվացիաների, ապա քիչ յետոյ ևս—Բերնի Փրանս-գերմանական հաշտարար համագումարին:

Եւ դա նրա վերջին թափաբամուտն էր:

*) «Վուսակցութեան և կուռի ընկերներ»:

Ի վերջոյ—«Գաշնակցական» մի յիշողութիւն... Բէ-
բէլի, Քրիստաֆօրի և հայկական խնդրի շուրջը 1901-ի
աշնան, երբ «Գաշնակցութեան» լիդերը փոթորկած
սրտով գնում էր Կովկաս՝ շանթահարելու հայ ապիկար
բուրժուազիային և հարթելու, գէթ ժամանակաւորա-
պէս, ազատագրական կռւի ճանապարհը Հայաստանի և
Երևանի մէջ, նա անցաւ Բերլինով և տեսակցեց Բէ-
բէլի հետ։ Թարգմանչի գերը կատարում էր Բերլինի
համալսարանի ուսանող՝ մեր ընկեր բժ. Ս. Թէ վերջինը
և թէ ինքը Քրիստաֆօր ասում էին, որ այդ այցելու-
թիւնը մի յուզիչ անակնկալ էր Բէբէլի համար։ Երկար,
ուշադրութեամբ ու խորին համակրանքով լսում է նա
հայ բարոյգէին։ Նիւթը նոյնն է... Ժանտի գանգաւը
գիւղականութեան ոճերների գէթ և «սրտի մարդկանց»
աջակցութեան անհրաժեշտութիւնը հայոց անօրինակ
տագնապի մէջ։

Բէբէլ, որին հարկաւ, անծանօթ չէին մեր ժողովրդի
դժբախտութիւնները, իսկոյն ցաւով մատնանշում է այն
սարսափելի արագիւմը, որի մէջ դրւած է հայկական
պրօբլեմը։ Նա իսկոյն և եթ յայտարարում է, որ բնաւ
յոյս չկայ լոկոտակելու գերման բաղադրականութեան
գրանիտեայ անպառաժը, նամանաւանդ, որ հենց այն
ժամանակ Վիլհելմ կայսրը ջերմապէս բարեկամացել էր
սովորների հետ և յոյս ունէր ճանկել նրանից հսկայա-
կան արտօնութիւններ։

Քրիստաֆօր լաւ գիտէր այդ բոլորը և հռչակաւոր
սօցիալիստի յայտարարութիւնը աւելի ևս ամրապնդեց
նրան այն համոզման մէջ, որ գիւղականութիւնից օգուտ
չկայ և պէտք է յեղափոխական հարւած-
ն երոզ ստեղծել, նոր դէպքեր ու տրամադրութիւններ։

Բէբէլ երկարօրէն գրեց «Դրօշակ»-ին իր խորհրդա-
ծութիւնները հայկական հարցի և գերման քաղաքա-
կանութեան մասին։ Այդ նամակը, որ մի ընդարձակ
քաղաքական տեսութիւն է, պահւում է այսօր «Դաշ-
նակցութեան» արշիււների մէջ և գուցէ կը հրատարակւի
մօտ ապագայում։

Մ. Վ.

P. S. — «Դրօշակ»-ի կողմից պատգամաւորներ էին
Բէբէլի թղթման՝ ընկ. Ս. Արարատեան և ընկ. Ան-
տօն Գօշ։ Ֆրանք պսակ դրին խմբագրութեան կողմից՝
A Bebel—Les socialistes Arméniens du «Droschak»
մակագրութեամբ։

«Դրօշակ»-ը հեռագրեց իր վշտակցութիւնը Vor-
wärts-ին, հեռագրեց ֆրանսիայից և «Դաշնակցու-
թեան» ներկայացուցիչը Միջազգային Սօց. Բիւրօի մէջ։

«Խորունկ վշտով համակաւած, ողբում ենք մեծ, պայքա-
րող Վարպետին, որ իր գրչով, իր առնական ու պլեդ լեզ-
ւով և իր անխնայ, տիտանեան գործունէութեամբ՝ ամենա-
մեծ դատարարակիւններից մինն եղաւ հայ նորագոյն երիտա-
ւարդութեան»։

Թ Ե Ր Թ Օ Ն

Ի Մ Բ Ա Ն Դ Ը

V

«Լ Ր Տ Ե Ս Ը»

Homo homini lupus.

Մարդը մարդուն գայլ է.

Քաղաքական բանտարկեալները տեղաւորւած էին
միւսներին անջատ՝ մի առանձին շինութեան մէջ, ուր
հասնելու համար պէտք էր երեք բակերից անցնել
երեք երկաթապատ դռներ բանալ ու ամեն մի բակ
միւսից բաժանւած պարիսպներով, որոնց վրայ շարւած
էին ապակիների սուր-սուր կտորներ։

Այդ շէնքը մի ընդարձակ, բայց ցածր ու մռայլ մի-
ջանցք ունէր, ուր անձրեւոտ ու ցուրտ օրերին զբօսնում
էին կալանաւորները։ Մի օր այդպիսի զբօսանքի ժամին
մի անծանօթ երիտասարդ յայտնեց, չէկ ու ծաղկա-
տար դէմքով, բոցադոյն մազերով, մանրիկ, ճպճպան
աչքերով, նիհար, կծկւած մի արարած, որ բալլում էր
մեն-մենակ, ակնյայտի զգուշութեամբ, նայում էր աջ
ու ձախ վախկոտ հայեացքով ու շարժումների մէջ այն-
քան վարանում կար, որ թւում էր դաւադրական։ Վե-
րակացուի հետ եկաւ ու խառնեց բազմութեանը։
Սկզբում ոչ ոք ուշադրութիւն չգործրեց նորեկի վրայ.
քանի մի ըստ է յետոյ սակայն զատ զատ խմբերի մէջ
խուլ շշուկ բարձրացաւ, որ փուկեց, տարածեց ու
բռնեց ամբողջ միջանցքը։

— Լրտես է...

Անկարելի չէր։

Օխրանայի *) և բանդային վարչութեան սովորական
միջոցներից մէկն էր կալանաւորի անունով լրտեսներ
տեղաւորել քաղաքականների մէջ ու գաղտնիքներ դուրս
շորթել։ Բանդարկեալները սակայն շատ զգոյշ էին ու
չափազանց զգայուն այդպիսի փորձերի հանդէպ։

Լրտես էր արգեօք այս հիւժախտաւոր թշուառականը,
չգիտեմ. այժմ էլ չգիտեմ. բայց բազմութիւնը չորս
կողմից շշնջում էր նախ ցածր, ապա աւելի և աւելի
բարձրաձայն։

«Լրտես, լրտես»...

Մի խմբից միւսն էին անցնում աւելի անհանգիստ-
ներն ու ըմբոսաները, յուզւած դէմքով ինչ որ ասում,
սրան նրան ցոյց տալով շիկահեր երիտասարդին, որ
կարծես չէր հասկանում, չէր նկատում բարձրացող
փոթորիկը և նոյն ձևով գնում գալիս էր պատերի
աակից, միշտ վախուկ, միշտ զգոյշ։

Լրտես... Այս մի հատիկ բառը հրաշէկ երկաթի

*) Պահանջական բաժանստներ։

պէս դիպում էր հոգիներին և ամենից անտարբերները, ամենից հնազանդներն իսկ ծառանում էին ցասումով ու դողում յուզմունքից: Երկարատե ու անարդար կալանաւորումից, ֆիզիքական ու բարոյական զրկանքներից դառնացած, անթիւ մանր ու մեծ անիրաւութիւններ կրած, այդ երիտասարդները միշտ պատրաստ էին ողջ աշխարհը կործանելու, եթէ հնար լինէր և այժմ էլ այս նենգ դաւադրութիւնն իրենց դէմ, այս լրտեսը, ինչպէս հաւատացած էին: Ու տարիներով կուտած թոյնն ու ատելութիւնը մորկի պէս եռաց ու բարձրացաւ այս լղրճուկի այս եղկելի արարածի դէմ, որ մարմնացնում էր իրենց կրած տանջանքների հեղինակներին:

Ի՞նչ խելայեղ, ինչ անասնական կատաղութիւն էր, որ բրդաւ յանկարծ:

Սղմած բռունցքներ կային, որոնց ոսկորներն էին ճարճատում. զայրացկոտ աչքեր, որոնցից կայծեր էին ցայտում, ուռած, անհանգիստ կրծքեր, ցասումի հեքով թրթռուն և լուրճ՝ մի հատիկ ողորմելի արարածի դէմ, որ դարձեալ շարունակում էր իր վախկոտ ու դաւադիր զբօսանքը թշնամի շարքերի մէջ:

Եւ յանկարծ՝ տասն-քսան հոգուց բաղկացած մի խումբ, խոնրամ ու անկարգ, նրա առաջը փակեց ու մի շղթայակիր երիտասարդի ուժեղ ձեռքը ծանրօրէն իջաւ նրա ուսին.

— Նզոված լրտես, որոտաց երիտասարդը. թշաւահանը գունատ, գողգոջուն՝ փորձեց ինչ որ ասել, թօթովեց անկապ խօսքեր, բայց չկարողացաւ վերջացնել, դիմացինի միւս ձեռքի ուժգին հարւածը նրա դէմքին՝ ատամները թաղեց շրթունքների մէջ, արիւնը ժայթքեց ռունգներից ու նա ձեռքերով ծածկեց դէմքը, ասես իր մահը չտեսնելու համար: Այնուհետև ինչ պատահեց, անհնար է նկարագրել. Զասնեակ բռունցքներ ու ուներ միաժամանակ բարձրացան, իրար հարւածելով, իրար տրորելով մի հատիկ զոհին հասնելու համար. ճիչ, խռպոտ հայհոյանք, կատաղի տնքոց, ատամների կրճատոց... Իւրաքանչիւրն աշխատում էր որևէ կերպով այդ փրկութիւն, այդ գձուձ մարմինն հասնել, նրա միտք բզկաւել, գլխին հարւածել, մազերը փետել, եղունգներով կաշին ծատել բզիկ բզիկ արիւնոտ լաթի պէս: Այս անօրինակ ժխորի, մարմինների այս մութ զանգւածի մէջ այլ ևս ուրոյն պատկերներ, որոշ գծեր չկային, այլ ամբողջը մի նոդկալի կոյտ էր, շարժուն, գալարուն, ոռնացող ու անձև, որ մի մութ ուժից հողմավար, տարւում էր մերթ դէպի միջանցքի մի ծայրը, մերթ դէպի միւսը, միշտ եռալով, միշտ ձևափոխելով, ինչպէս մի այլանդակ հրէշ: Ոմանք ընկնում էին ոտների տակ, տրորւում, քաշքշուում, ուրիշները ցատկում էին դիմացիների թիկունքների, գլուխների վրայից իրենց ատելութեան ու բիւռ առարկային հասնելու համար. օդի մէջ յանկարծ բարձրանում էր մի բռունցք, մի զոյգ ոտք շղջ-

թաների շառաչով, մերթ մի բանի գլուխներ ու թիկունքներ, ապա կրկին ոռնացող, հայհոյող, ճչացող կենդանական կոյտը խելագար թափով նետում էր մի պատից՝ միւսը: Դա սոսկ ծեծ չէր. բառասուն-յիսուն մարդ, ինչպէս յանկարծական խենթութեամբ գազանացած՝ յօշոտում, ծաւաւում էին դժբախտ զոհին, ասես լափելու համար: Արիւնը ծորում էր, ներկում յատակը, պատերը դրնդում ունների դոփիւնից, օդը լի էր տնքոցով ու խռնոցով, մարդն այլ ևս չէր երևում, թւում էր, թէ նա հալւեց, փճացաւ բռունցքների ու ուների հարւածների տակ, բայց կատաղութիւնը չէր մեղմանում, իրար էին կծոտում, արորում, քաշքշում:

Եւ երբ վերջապէս վերակացուները ատրճանակները ձեռներին ու սուսերամերկ հասան ու զարկեցին ուշակորոյս ամբօխի վրայ հարւածելով ալ ու ձախ, երբ ծեծողների խուժանը ցրիւ եկաւ, յետ քաշւեց, ուժը-տեսի՝ փոխարէն յատակի վրայ ընկած էր մի արիւնոտ անձև մսակոյտ:

Լրտես էր արդեօք... Ես ի՞նչ գիտեմ. բայց *Homo homini lupus...*

«Ն Ա Մ Կ Ի Ն Մ Ա Ր Դ Ը»

Նրան կոչում էին Շէյթան:

Ի՞նչ էր իսկական անունը, չգիտեմ. ինչո՞ւ էին այդպէս անանում, նոյնպէս չգիտեմ. գուցէ իր աչքերի համար:

Ա՛յդ աչքերը...

Չեմ ասի դիւական, ո՛չ. աւելի խենթի ցնորդի աչքեր էին բիրբրի շուրջը կանաչաւուն, կեդրոնը կապոյտ՝ այդ կոյտը, փոքրիկ աչքերը շարունակ վռվռում էին, որպէս փայլուն մողորակ, անհանգիստ, յարաշարժ, բայց տարտամօրէն մռայլ Ուժեղ, ջլուտ դիմագծեր ունէր, որոնք սակայն աւելի աղօթողի, բան մոլի յանցագործի արտայայտութիւնն ունէին: Կարճահասակ էր, նիհար, բայց երկաթի առողջութեամբ:

Անյոյս հարեցող, նա գրեթէ մշտական մղձաւանջի մէջ էր. ցինիկօրէն կատակասէր, նա սակայն ոչ որի չէր վիրաւորում, չէր անարգում, ոչ որի չէր նեղում: Անախորժ էին միայն նրա անվերջ դիմումները սրան, նրան, անգամ պաշտօնեաներին ու բանդապետին՝ մի բաժակ օղու փողի խնդիրքով:

Շղթաները միշտ ալ ձեռքով վեր քաշած՝ չ'աղմկելու համար, գլխարկը յետ ձգած ծոծրակին, մազերը կարճ կտրած, կօճակները բաց, նա զբօսանքի ժամերին մօտենում էր առաջին պատահածին, հետը քայլում, կատակներ անում, ապա անցնում միւսին և այսպէս անվերջ:

Գուցէ նրա հանդարտութիւնն էր պատճառ, որ վե-

բակացունները յաճախ դուրս էին թողնում նրան զբաղակի նախնական քննութեան տակ եղած կալանաւորներին հետ զբօսելու: Այսպէս էի մտածում ես իմ դիտողութեան վրայ հիմնած ու գրեթէ սիրում էի Հէյթանին, առանց երբեք հետը խօսած լինելու: Իր արտաքինի, այդ ջլուտ դէմքի, այդ անօրինակ աչքերի մէջ մի բան կար, որ որոշել, սահմանել չէի կարող: Բայց ինձ գրաւում էր, թէեւ գիտէի ծանր յանցագործ է: Ընկերս, սակայն աւելի փորձած, աւելի երկար ապրած բանդու, մի օր ցրեց իմ պատրանքը:

— Զգուշացիր Հէյթանից, ասաց նա, դա մի ահարկու գազան է, յնախկին մարդ, ընդունակ ամեն ինչի հակադէմ ոճի գործելու:

— Ապա վերակացունները, շրջապատողներն այդպէս քաղցր են հետը, հարցրի:

— Վերակացունները վախենում են, Հէյթանը բսան տարւայ տաժանակիր աշխատանքի է դատապարտւած սպանութիւնների համար: Այդպիսիները խիստ վտանգաւոր են, որովհետեւ էլ կորցնելիք չ'ունեն. սա երրորդ դատապարտութիւնն է, երկու անգամ Սիբիրից փախել է, տուներանների, ծախիճների, անտառների միջից և... ինչ ես կարծում—հիւանդ ընկերը շալակած. մարդուն դժուար է ճանաչել. այս անհրաւր վեց սպանութիւն է կատարել, վերջացրեց նա մտախոհ:

«Հիւանդ ընկերը շալակած, Սիբիրի ծախիճների մէջ այս մարդասպանը, այո՛, մարդուն դժուար է ճանաչել, հոգին մութ բաւիղ է հազարաւոր խորշերով, որ դեռ ոչ ոք չի լուսաւորել... մոմտում էի ինքս ինձ:

Եւ Հէյթանը ինձ համար դարձաւ աւելի խորհրդաւոր, աւելի առեղծաւորական: Ու ամեն անգամ զբօսանքի ժամերին հայեացքս նրանից չէի կարողանում բաժանել. հետեւում էի նրա բոլոր շարժումներին, բայլածքին, այդ ցնորական բրբիջներին, վովռան աչքերին:

Բանդարկւած էր նաև Հէյթանի կինը, մի յանցագործ աղախին, որ մեղադրւում էր բազմաթիւ գողութիւնների մէջ: Հաբաթը մի անգամ կնոջ հետ տեսակցելու արտօնութիւն ունէր նա հենց մեր բակուսի կնոջ հետ էլ չափազանց քնքոյշ ու սիրալիր էր նա:

Մի հատիկ մարդ կար, որի հետ Հէյթանը հաշտւել չէր կարողանում ու մշտական հակամարտութեան մէջ էր. դա իր յօտիկ ընկերը, նոյնպէս Սիբիրից փախած Պետին էր, իր կարգին շատ յայտնի ոճրագործ, մարդասպան, որ բանդն էլ սարսափի մէջ էր պահում:

Երկու կալանաւորների վէճը իրենց կանանց արիւնթեան ու ճարպիկութեան մասին էր. Պետին պնդում էր, որ իր կինը առաջնակարգ գող է և գերազանցում է Հէյթանի կնոջը, իսկ Հէյթանը այդ տանել չէր կարողանում, յուզւում էր, կատաղում, որովհետեւ նրա կարծիքով իր կինը աշխարհի առաջին ճարպիկ գողն է, որ աչքի մազ կարող է թռնել: Հին վէճեր, հին կռիւ,

որ միշտ նորոգւում էր. այդ ժամերին նրանք երկուսով էլ սարսափելի էին: Հէյթանի աչքերը կատաղի փայլ էին ստանում, կարծես խորշերից դուրս պրծնելու համար. նա մարաղ մտած վագրի պէս նետւում էր դէպի հակառակորդը, փորձում էր բռնել կոկորդը, բայց սա աւելի ուժեղ ու բարձրահասակ, ոտքի կամ ձեռքի մի ուժգին հարւածով յետ էր մղում նրան ու գետին տապալում: Կռիւր վերջանում էր, նրանք իսկոյն հաշտւում էին, շրջում միասին, կատակում, ծիծաղում, մինչև յաջորդ ընդհարումը:

Եւ մի անգամ Հէյթանի կինը այնպիսի յաղթանակ տարաւ, որ ամբողջ բանդը զարմացաւ: Զօրս-հինգ շաբաթից ի վեր նա տեսակցութեան չէր գալիս ամուսնու հետ, ասում էին պատժել, զրկել են: Ու յանկարծ մի օր յայտնեց, մի նորածին երեխայ գրկին: Հէյթանը քարացած մնաց. հայր էր դարձել բանդում առանց այդ գիտնալու... նա զայրոյթից դողդողում էր. ոտները չռած, բռունցքը սղած՝ արդէն պատրաստւում էր յարձակել, երբ կինը ժպտալով մօտեցաւ, նրա ափանջին մի բան փսփսաց. Հէյթանի դէմքը վայրկեանապէս պայծառացաւ, աչքերը մեղմացան, անհուն բնքշութեամբ նա խլեց երեխան, սղմեց կրծքին, համբուրեց, ճչաց, քրքջաց ու սկսեց խենթի պէս պոյնտներ գործել բակուսի:

Հարած նայում էինք. բանդային կեանքի չտեսնւած նորութիւն էր—Հէյթանը հայր... Հոռուով սակայն այս անօրինակ հանելուկը լուծեց: Երեխան ուրիշի էր, մի կալանաւոր կնոջ, որ ծնել էր բանդում, շատ մութ պարագաներում, իր աքձակման օրերին. բանդային մութ սիրոյ այդ վտանգաւոր պտուղը գուրս չտանելու համար, ուր նրան սպասում էր ամուսինը, գժախտ կինը ստիպւած էր եղել լքել զաւակը, որ Հէյթանի կինը ընդունել, որդեգրել էր հաճոյքով, մօրն ազատելով ծանր փորձանքից:

Այսպէս թէ այնպէս, Հէյթանը հայր էր... Ու երբեք աւելի բնքոյշ աւելի երջանիկ հայր:

Մութ ծագումով այդ փոքրիկ արարածը Հէյթանի բանդը՝ դրախտի և կեանքը՝ երանութեան փոխեց: Կանանց բաժնի, վերին յարկի բարձր լուսամուտից, կինը ցոյց էր տալիս երեխան Հէյթանին և սա մոռացած զբօսանք, կատակներ, վէճ ու կռիւ, մոռացած նոյնիսկ իր օղին, կանգնում էր աղօթողի կեցածքով, նայում էր վեր՝ ձեռքերը տարածած դէպի փոքրիկը, խօսում էր, կանչում էր, լալիս, ժպտում, քրքջում, կամ պարում էր ու ոստոստում երեխային զարճացնելու համար: Հասնում էր տեսակցութեան օրը, Հէյթանը դրանք սղմած՝ սպասում էր ու երբ յայտնւում էր կինը, նա խլում էր երեխան, համբուրում երեսը, աչքերը, ձեռքերը, ոտքերը, այնպիսի տենդով, կրքով, որ ասես ուզում էր իր կրծքի մէջ թաղել նրան. ապա վազվզում էր բակում, ցատկարում, պարում խենթի պէս:

Այսպէս շարաթներ ու ամիսներ ու տարի անցաւ. երեսան անց, մեծացաւ. Հէյթանը երջանիկ էր:

Եւ մի անգամ, զբօսանքի ժամին՝ Հէյթանը իզուր էր նայում դէպի վեր, դէպի լուսամուտը. երեսան չկար. նա կանչեց, ճչաց, իզուր. երեսայի փոխարէն երեւաց կնոջ գլուխը. նա հասկացրեց նշաններով, որ երեսան ծանր հիւանդ է: Կայծակ ճայթեց Հէյթանի գլխին. նա ուժգնօրէն խփեց ճակատին, աչքերից ցայտեցին արցունքները ու կանգ առաւ բարացած. ապա ճչաց խելայեղօրէն, պտոյտներ գործեց մատերը ձմռելով ու յանկարծ ուշքի եկածի պէս վազեց դէպի գրասենեակը, թռաւ կախեց լուսամուտի երկաթներից:

— Երեսան հիւանդ է... երեսան մեռնում է... բժիշկ ասում եմ, ես ձեր... կը բանդեմ, կ'աւերեմ, կըսպանեմ, բժիշկ, անմիջապէս բժիշկ, ես ձեր... ճչում էր նա:

Նա սարսափելի էր. երկաթներն էր ձմռում, ատամներով կրծոտում փակած գազանի պէս: Ո՞րտեղից բժիշկ... սարի պէս աղամարդիկ էին մեռնում առանց բժիշկի ու դեղի, ո՞վ էր մտածում երեսայի համար բժիշկ բերել և այն՝ անմիջապէս:

Հէյթանը սակայն պահանջում էր, հայհոյում, մռնչում, լալիս, աղերսում, բողբոջում միաժամանակ. ո՞ճրագործն ու քնքոյշ հայրը, «նախկին մարդն» ու զգացող, տանջող, սիրող սիրալը փոխ առ փող յաջորդում էին իրար, լրացնում էին իրար ու դժւար էր առանց արգահատների ու դառն սոսկումի նայել այդ մարդուն:

Սպասում էինք...

Անյայտ էր, որ Հէյթանը սարսափելի բան պիտի անէր, եթէ իսկոյն բաւականութիւն չստանար:

Բանդապետի հրամանով՝ երկու-երեք ուժեղ վերահացուներ մօտեցան նրան, քաշեցին, ցած բերին լուսամուտից և շալակած տարան ձգեցին միւս, ներսի բակը ու դուռը փակեցին: Այնտեղից դուրս մի առժամանակ լսում էր Հէյթանի ճիչը, հայհոյանքը. նա լալիս էր, անքում, բժիշկ էր կանչում: Ու յանկարծ՝ նա արիւնդ տած երեսով ու վիրաւոր, բերթեւած ձեռներով յայտնեց ահագին բարձրութեան պատի վրայ, ցից ցից անկած ապակու սուր կտորների մէջ. ինչպէս էր բարձրացել, այդ միայն ինքը գիտէր, այդ զարմանալի մարդը:

— Բժիշկ, մոնչաց նա բարձրից և կատուի ճարպիկութեամբ վար նետեց արիւնջայ ու քերթեւած ձեռներով ու ծունկերով, կրկին սողաց դէպի գրասենեակը:

— Բժիշկ, բժիշկ, երեսան մեռնում է, հեծեծում էր նա...

Մարդկային հոգին մութ անդունդ է...

Հէյթանի երեսան չմեռաւ. ես նրան առողջ թողեցի բանդում:

ՍԵԾ ԳԱՆԴԻՍԱՎԱՅՐԻՑ

Ս. Կարապետ, յուլիս

Ս. Կարապետ եմ... Երազ է թւում, մի մեծ, սքանչելի երազ: Ժընէվ—Պետերբուրգ—Ս. Կարապետ: Այնքան շատ են և այնքան ուժեղ՝ ապաւորութիւններս: Ինչպէ՞ս նկարագրեմ Գրիչ պէտք է: Այս բնութիւնը իրաւ որ դիւթիչ է: Մեր Ղարաբաղի հետ համարձակ կարող է մրցել: Միայն... խեղճ է, ընկճած է ժողովուրդը նիւթական զրկանքների բռնի տակ: Բայց արդէն նշմարելի են վերածնութեան նշոյլները: Զւարթ արամադրութիւն եմ տեսնում ամենուրեք: Երիտասարդ տարրերը... նրա՞նք են աւանգարդը, նրանց վրայ է մեր յոյսը...

Համազգային մեծ յօբելեանի շուրջը—աննկարագրելի խանդավառութիւն: Զգիտեմ, երբեքից այս դժբախտ վայրերը տեսած են այսքան շքեղ ու կազդուրիչ հանդեսներ: Մի հոյակապ միտինգ: Պերճաբան և սրարշաւ վաճառանի հետ ամբիօն է բարձրանում մեր Ռոսսոմը: Կարող էք երեւակայել Ռոսսոմին՝ մի տիպ գայի ն հռետորի դերում...

Ահա և Արմէն-Գարօ, Մարզպետունի, երիտասարդ ընկեր Բօնապարտեան, ահա Անդրանիկի վարդան վարդապետը—մեր լեգենդական վեղարաւորներից մինը: Եւ քանի՞ ուրիշներ... Ուխտաւորների մի ծով:

Ուրախ են ամենքը, տոգորած վայրկեանի վեհութեան գիտակցութեամբ: Բարձր են բաբախում սըրտերը: 26, 1500-ամեայ մի մոռացւած ու հալածական գոյութեան յօբելեանն է, նրա վերածնութեան յօբելեանը: 26, 1500 տարի առաջ, այստեղ, այս նոյն չքնաղ, բանաստեղծական վայրերում Սահակ ու Մեսրոպ երկնել են իրենց հոյակապ ու ազգաշէն ծրագիրները:

Եւ մենք կարծես տեսնում ենք նրանց, այդ պանծալի դժմբերը: Այս վեհափառ բարձունքների և պայծառ հօրիզոնների մէջ ասես ճախրում են նրանց անմահ հոգիները՝ կատարող խրախճանքների անզուգական տեսարանի վրայ... Ի՞նչ կարող է լինել աւելի վեհ մեզ համար—մենք, որ այնքան տարիներ անձկութեամբ երազել ենք այսպիսի հանդեսներ, այս բազմատանջ ժողովրդի ծոցում...

Երգ, ծիծաղ, խլացուցիչ թմբկահարութիւն, դահուլ ու զուռնա...

Յուզմունքը բուռն շեշտերով խօսում է բոլոր հռետորների ճառերի մէջ:

Դիւս պահ մը կերեւակայեմ զիս 1600 տարի առաջ—սկսեց վաճառան—երբ մեր հին աստածները կը թագաւորէին, երբ կար վահագնը, Աստղիկը և ուրիշներ: Եկան նոր աստածները, յաջորդեցին հներուն ու դէպի իրենց քաշեցին այն ժողովուրդը, որ հներուն կ'երկրպագէր և ուխտի կուգար:

«Եղբայրներ՝ ու բոլոր,

«Այսօրուան տօնը տօնն է անոնց, որոնք 1500 տարի առաջ ձեր հողէն ծնան՝ Մեսրոպը, որ այնքան տարիներէ ի վեր կապրի մեր սրտերուն մէջ, գուցէ հոս է, գուցէ իր հոգին կը սաւառնի մեր գլխուն վերեւ։ Սենք կերթանք, դարձրը կանցնին, բայց նա միշտ հոս է, միշտ կապրի։

«Գրեւոր գիւտը եղբայրութեան գիւտն է, նայեցէ՛ք սա քրդախօս հայերուն, որոնք եկեր են հոս իրենց եղբայրները տեսնելու և որոնք Մեսրոպի գրեւոր շնորհիւ միայն պիտի կրնան ապրել մեր եղբայրութիւնը։

«Եղբայրներ, որ ինչ կը հասկնաք, բոլոր՝, որ ինչ չէք հասկնար, եթէ առաջ, Անահիտն ու Վահագնը ձեզ կը բաշէին հոս, այսօր գրեւոր տօնն է, որ կը բերէ ձեզ յիշեցնելու, թէ որքան մեծ մարդ էր նա և որքան ետ մնացած ենք մենք։

«Այս ժողովուրդը պիտի ապրի, պէտք է որ ապրի, ապրի՝ կուեցիւ համար բռնութեան դէմ, ագիտութեան դէմ, չարիքին ու հիւանդութեան դէմ։ Աստուած մարդս ստեղծած է «ըստ պատկերի իւրում»։ Ո՛չ իբրեւ ստրուկ, ո՛չ մեզի ու ձեզի պէս, այլ իբրեւ մարդ, առողջ՝ հզօր ու լաւ։

«Գիրը անոր համար է, որ գիտնանք չարն ու բարին։ այն ազգեր, որոնք գիր ունին—հարուստ, ուսեալ, զօրաւոր են։ Իսկ չունեցողները կամ կորսւած են կամ կորսւելու դատապարտուած են։

«Ամենամեծ տօնն է այս—գրի տօնը, ազգերու փրկութեան տօնը, գրին՝ որոնք գէմ ոչ թնդանթը կարող է կանգնել, ոչ սուրը։ Գրով մենք պիտի ճանչնանք մեր բարեկամն ու թշնամին։

«Նոր Մեսրոպներ պէտք են, գաղափարի խունկը բերելու այս նոր տաճարին, լուսոյ տաճարին առաջ ծխելու համար, բռնութիւնը հալածելու և նոր աստուծներու տաճարը ամրապնդելու համար։ Աշխարհը ուժովինն է, գիտակից ու բարոյական ուժովին, որ գիտէ քաղել լեռներէն, անապատներէն, ձեռքին կողմնացոյցն ու զէնքը բռնած։

«Երթանք այդ ճամբայէն, եղբայրներ, կողմնացոյցն ու սուրը մեր ձեռքին։ Երթանք երախտագիտութեամբ լեցուն, այո՛, երախտագիտութեամբ։ Երախտագէտ ժողովուրդը չի մեռնիր, մենք դեռ պէտք ունինք Մեսրոպներուն ու անոնց երախտապարտ ըլլալուն, մեր ճանապարհը չմոռնալու համար։

«Երբ Լուսաւորիչը Քրիստոնէութիւնը կը բերէր, ան խաչի նշան մ'ունէր, որով դեբը կը հալածէր, ճամբայ կը բանար։ Մենք ալ ունինք մեր խաչի նշանը, բանանք ճամբան, ագէտները չեն, որ պիտի անսայթաք ընթանան։ Քաղելու համար գիտակից ըլլալու պէտք ունինք։ մարդ ըլլալու համար կուիլ գիտնալու ենք։ Իսկ կուեցիւ համար պէտք է կազմակերպւինք։

«Մեր զօրութիւնը մեր՝ իբրեւ ազգ կազմակերպւելուն մէջ է, իբար օգնելու, սուր ու գրիչ գործածելուն մէջ է։ նա, որ մէկ ձեռքը սուր, միւս ձեռքը գրիչ ունի, չի մեռնիր։

«Խաչին հետ խելք պէտք է, սուրին հետ՝ գրիչ։ առանց մէկին, ոչինչ է միւսը։ ագէտը չի կրնար պաշտպանել, անուսը կը մեռնի։

«Երբ գրիչ կըսեմ, գուք չհասկնաք Ամերիկայէն վերադարձող մարդոց գրպանին մէջ եղող ոսկիէ գրիչը։ ոչ, այլ այն գրիչը, զոր մեզի տաւ Ս. Մեսրոպը։

«Հայեր, ձեր փրկութիւնը նախ գրէի, յետոյ սուրի մէջ է։ սուր կ'ըսեմ ոչ թէ վախով, փսփսալով, այլ հոս, կառավարական պաշտօնեաներու ներկայութեանը։ Ով ինքզինք պաշտպանելու անկարող է, չի կրնար ապրիլ, կը մեռնի։ բոլոր մեծ պետութիւնները կապրին իրենց գրիչովն ու սուրովը։

«Ուսում՝ առէ՛ք, սուր՝ առէ՛ք։

Անընդհատ բանաստեղծ էր Ռոստոմ։

«Մենք յոյս ունէինք, հայրենակիցներ, այս հանգէսը տօնել միւս հաստածների մէջ ապրող մեր եղբայրներուն հետ, որոնք նոյնքան բաժին ունին այս համազգային տօնին մէջ, որքան մենք։ Այս բացակայութիւնը ցոյց կուտայ, որ դեռ մենք թերի, անկազմակերպ ազգ մըն ենք։ Քաղաքական դժբախտ պարագաները մեզ անջատել են իրարմէ։ մէկ մասը Ռուսաստան, միւսը՝ Պարսկաստան, ուրիշ մը՝ Ամերիկա— աշխարհի ամեն կողմ, ուր շունչ մը կայ, մարդկութիւն կայ։

«Պարզ, զւարճութեան, խնձորքի տօն մը չէ այս, այլ տօն մը, որ դարերէ ի վեր գոյութիւն ունեցեր է և որուն նպատակն է եղեր բերել, ամփոփել հոս, հայութեան այս օրանին ու սրան մէջ ազգի զաւակները— զանոնք եղբայրացնելու, անոնց քաղաքական ու ազգային հայեացքները մէկտեղելու համար։

«Եթէ Ե տարւան սահմանադրական ռեֆորմը չտուէ շօշափելի արդիւնքներ, բայց գոնէ հնարաւորութիւն տաւ վերանորոգելու մեր պապերու տօնը, հայկական ոլիմպիական խաղերու հսկայ տօնը։

«Դուք գիտէք, որ մեր նախարարական բարձր տոհմերը այստեղ կուգային մրցելու, իրենց ոյժն ու քաջութիւնը ցուցադրելու, զիրար ճանչնալու համար։ — սա անհրաժեշտ էր մեզ պէս անգիտ մը համար, որ ունի աշխարհագրական ինքնուրոյն կազմութիւն։ Մենք այժմ զիրար չենք ճանչնար։ այսօր հետեւ է որ հնարաւորութիւն պիտի ունենանք զիրար ճանչնալու։ Այս տօնը թո՛ղ ըլլայ եղբայրութեան և ծանօթութեան տօնը։ մենք յոյս ունինք, որ կարճ ժամանակ վերջ, հոս առիթը պիտի ունենանք տօնելու հին հեթանոսական խաղերը— կատարելու հայկական մեծ ոլիմպիականը։

ԱՐՇԷՍ